

LIHLONG

 Kea u leboha, Moena Neville. U hlohonolofatsoe!

Lumelang hoseng hona, metsoalle. Ho hotle ho ba mona hoseng hona. 'Me kea kholoa ke entse e... Ke moitšunyaki nakong ea Moena Neville. O lutse morao mona ka ntho ea hae, o ntse a hlophisa therò ea hae; eaba kea kena, a qala a phutha therò ea hae, 'me a re, "Be..."

² Ke sa hopola lilemo morao koana. Moena oa 'mala tlase mona, ea bitsoang Moena Smith, le Khaitseli Cross. E le metsoalle ea ka e meholo. Ereha ke kena moahong bosiu, thaka la khale le ne le tloaetse... Litelu tsa hae li le tsoeu. Ha ke tsebe lea mo hopola, kapa che. Ebe o lula kalaneng, ua tseba. Ebe bohole ba bina, "Ke 'Milakholo Oa Leholimō." 'Me Moena Smith, a lule tjena feela, u a tseba. Ebe ke kena ka monyako o kamorao.

³ Hape ho be le ngoanana e monyenyanè, a batla a le lerootho haholo, a tloaetse ho lula khoneng. A qale a ope liatla tsa hae, a re, "Mo Phahamiseng," sefela seo, u a tseba. Keha ba iqapetse lehlaso la sona, u a tseba. Koana khoneng e 'ngoe, ho hlahe motho e mong, ea reng, a boele a kene, "Mo Phahamiseng." Be, ba se bine ha ke kena monyako. Ke mpa ke rata seholpha seo sa batho.

⁴ Ebe Moena Smith oa khale o lutse morao mono, nakoana, u a tseba, e batla e le lethola la motho. A ntoo re, "Kena, moholo, phomotsa katiba ea hao." E seng "ako phomole"; "phomotsa katiba ea hao," ua bona. "Kena, moholo, phomotsa katiba ea hao." Ebe o ema, 'me, ka mokhoa oa ho qala ha hae feela, ke tsebe hoba ke kene khathatsong, ua bona.

⁵ Ebe o re, "Be," o re, "bana, lea tseba," a re, "Ke—ke ipotsitse ke sa lutse mona, 'Morena, U tli'l'o mpha eng ho bua?'" Ho re, "A—A—A 'na a sisinya hlooho ea Hae, a ntsokoletsia hlooho ea Hae. 'Ha Kea tl'o u nea letho ho bua.'" Ho re, a re, "Ke bone Moholo Branham a kena morao mane, 'me ka re, joale, 'Morena ke sa tsoa hopola feela . . .'" Be, keha ke kene khathatsong!

⁶ Moena George Wright, u phela joang, moena? [Moena Wright o re, "Ehlide, bo. Ho monate."—Mong.] U hlohonolofatsoe, Moena Wright! Ruri. ["Moena Elijah o teng morao mane."] Oh, na ho joalo? Moena Elij' Perry, o itse, o teng morao mona. U hokae, Moena Elij'? Ke mo qetetse khale... Be, jo, 'na! Joale re tlameha ho tšoara tšebeletso ea makhonthe mona! Elij' Perry, George Wright, le mekaubere e meng eo mohla le ne le tlameha ho hatella liforeime malulong, ka matsoho a röna, moea o foka. Ho hotle ho le bona! 'Mè, na Khaitseli Wright u tlie le uena? Na Khaitseli Wright o teng kahare? O morao mane, le eëna. E, monghali. Be, ho hotle!

Khaitseli Perry, joale ke ba bona kaofela. Be, ho hotle haholo. Ho hotle ho kena kahare. Ho hotle ho lula libakeng tsena. Ho hotle ho ba 'moho.

⁷ Ke ne ke rerile, ka thata, ha ke khutla; ke imetsoe pelō. Ke sa tsoa khutla Afrika, bohole lea tseba. Ha ke fihla koo, paseporoto keha e seetsoe moeli, 'me ha ba ntumella ho kena, ha ba ntumella ho rera ka baka la bongata bo phuthehang. Ba lebeletse phethohelo nako efe mono, 'me—'me—ba—ba nthibela ho rera kaha ho phutheha batho ba bangata haholo. Nka khona feela, ka thuso ea mokhatlo o emetsoeng ke 'muso, o kahara 'muso, o ka 'memang, ho ho tla qosa 'muso ho romela lebotho la tshireletso. Ua bona, ba mpa feela... Letsoso la phethohelo lea tla, 'me ke phetho se leng teng. Le haufi hantle, ua bona. Monna ea kabelong ea 'muso o itse, "Khetlo la hae la ho qetela mona, keha ho phuthehile batho ba etsang kotara ea milione." Eaba o re, "Ka hona, u a bona, ke sona seo bokomonisi bo se batlang, letsosong la phethohelo." Ha kea khona ho rera, ke hona.

⁸ Batho bao keha ba eme mono, ba tsokotsa matsoho a bona, ba lla, "Hopola 'mè oa ka! Hopola, moena oa ka ea shoeleng! Oa ka..." Mono, ka mora lebota, ua tseba, mabota a terata, taba eo ea nkutloisa bohloko. Eaba ke khutlela hae.

⁹ 'Me ka nahana, "Be..." Mora oa ka, Joseph, morao mane, o ne a sa sebetsa hantle palisong ea hae. 'Me a tlameha... O pasitse hantle, empa a tlameha ho e fetisetsa pele; o ne a sa bala hantle haholo. Eaba kea nahana, "Be, re tlameha ho lula hae nakoana." 'Me ka re, "Ha re ka lula hae, phomolo ea bana e tla senyeha." Eaba re e fetisetsa pele, ra mo fetisetsa nakong e 'ngoe ea Phato, le ho lumella... ebe re khutlela mona nakoana, liveke tse tharō.

¹⁰ Ka re, "Kea lumela, e re re sa khutletse mono, ke tla tšoara kopano. Re tla fumana odotoriamo ea sekolo holimo mona, re—re tšoare kopano ho qala ka la mashopeli-robeli ho fihla ka la pele, kopano odotoriamong ea sekolo. Ke batlile ho rera ka temana ea ho tšolloa ha Linkho tse supileng tseo tsa ho qetela." Eaba re letsya pele, 'me ra ka ra soaba nakoana. Ha ba sa re lumella ho fumana likolo tsena, ho bokana batho ba bangata haholo. Ha re khone ho li fumana hohle. Eaba ke qeta, ke sa le morao mono, ho ena le ho... .

¹¹ Re ke ke ra kenya batho bohole, haeba re phatl-... Ha eso phatlalatsoe, joale. Haeba re kenya batho bohole, re leka ho ba kenya kahara tabernakele mona, re ke ke ra khona. Ua bona, ke feela... matsatsi a mahlano ka mona a ka tšabeha.

¹² Ka hona, eare re sa lutse mono re qoqa le Moena Neville le Moena Woods, le bao, re qetile ho etsa sena. Ha re sa khone, sebakeng sa hoo, re tla tšoanelo ho tšoara litšebeletso tse hlano; e tla ba la mashopeli-robeli, mashopeli-robong, mashotharō,

mashotharō-'ngoe, le la pele. Be, ke utloa hore ha re ka e tšoara, ra qala Sontaha se tlang, re ka tšoara litšebeletso tse peli, Sontaha hoseng le Sontaha bosiu, moo ke la leshome-robeli. Ebe ka la—ka la mashopeli-hlano, re tšoara tšebeletso ea Sontaha hoseng le ea Sontaha bosiu. Ke litsebeletso tse 'ne. Ebe ka la pele Phato, re tšoare ea Sontaha hoseng le ea Sontaha bosiu. Hoo ho tla re fa litšebeletso tse tšeletseng, 'me batho ba ke ke ba hatellana hakana kahare. 'Me ke nahana joalo.

¹³ Ha le hopole ho ka ba molemo joalo sebakeng sa ho qhobella bohle kahare ba petetsane, le ntho eohle? Homme bakeng sa litšebeletso tse peli feela, re ka e mamella, empa bohle ba ka phutheha 'moho. Masiu a mahlano, ka kotloloho, ho ka ba boima.

¹⁴ 'Me ke batla ho kopana le literaseti le baholo mona, ke sa le mona.

¹⁵ Taba ena e hlaha hohle. Re phela matsatsing ana a qetello, moo Evangelie sa fuoeng e—e litulo tsa pele tse E tšoanelang. Ha E fuoe litokelo tse e tšoanelang. E haretsoe hohle ka lipolotiki le ka lintho, ekare setlamo. 'Me ehlile e tla qetella joalo, hobane letšoao la sebata le tlameha ho tla ka setlamo, rea tseba. Ka hona re—re... Ehlile, ke khanyetso, "ha ho ea ka rekang kapa a rekisa, a se na letšoao la sebata."

¹⁶ 'Me joale ke batla ho fumana, ka baholo. Ke ikutloa ke etelloapele. Ha ke eso nyoreloe Molimo hakana pelōng ea ka, bophelong ba ka bohle, joaleka hona joale, ua bona. Hoba... 'Me ke—ke batla ho iphumanelo tente le lintho tsa ka—tsa ka, ho latela taelo ea pono ea Morena ho 'na, kea lumela nako e atametse joale. 'Me ke batla ho bona ke sa le mona, hovaneng re ke ke ra fumana tente.

¹⁷ 'Me—me ha re tsamaea, ke batla ho tla koano Jeffersonville, sebakeng sa letsatsi kapa a mabeli, kapa matsatsi a mararo kapa a mane, re ka tsoa ra hloma tente ena, ra qeta liveke tse peli kapa tse tharo, u a bona, ha ho motho ea ka buang. Re ka hloma serapeng bolo, kapa, ha ba sa re lumelle ka sona, o teng rapolasi ea ka re lumellang ka polasi ea hae mona. Re tla hira polasi 'me—'me re e hlome. Seo re tlamehang ho se etsa mono, ke ho hloma meaho ea rōna—ea rona e kantle, le lintho tse joalo, ho iketsetsa bobebé. Hoo ho ka etsoa habonolo. 'Me re tla qala re tšoara litšebeletso tsa rōna joalo kaha e le ho latela pono e tsoang ho Morena, 'me e tlameha ho sebetsoa joalo.

¹⁸ Ha ke kena, maobane, ke fumane, u a tseba, *sena, sane*. 'Me ka nyoloha ka seterata, mono keha ho tsamaea motsoalle oa ka e moholo, ho re, "Hello, Billy." Ka mo sheba, moriri o le bosoue ba lehloa, mpa e le *kalo*. At the moshanyana ke thaka ea ka. Re hotse re matha 'moho, ke thaka le shebehang, ha ke sa le ngoana. Ka batla ke hlolloa.

Mora oa ka e monyenyanane, Joseph, o itse, “U bohloko ke’ng, Ntate?”

¹⁹ “Oh,” ka re, “Nke ke ka u hhalosetsa eona, Joseph. Ua bona, ha ke khone, ho u bolella.”

²⁰ ‘Me ke sheba Elij’ Perry ea lutseng morao mono, le Mof. Perry; ekare ke maobane ha ba lutse mono e le bathoana ba moriri o motšo, e le baahisane ba ka, re sa na le seketoana sa khale, Wahoo, re theosa ka noka re tšoasa lihlapi bosiu. Ho ba bona ba pulufetse bobeli, u a tseba, e lekanya ho hong, ke temoso e itseng, “Ha u a salloa ke nako e kalo.” Ua bona?

²¹ Ka hona, letsatsi ka leng ke le batlela Eèna. Se ntšaletseng, nakoana ea ka, ke batla ho e sebelisetsa ho hong, e ka bang ho ema khoneng ea seterata, ho pakela khanya le thoriso ea Molimo. ‘Me ke—ke mona ka morero oo.

²² ‘Me ke na le tuloana ea sephiri holimo mona Lelaleng la Green, Indiana. Ha se motse, joale, ke—ke nahathote. ‘Me batho ba itseng ba e hapile, ’me joale ha ba u lumelle le ho hata teng. Empa ke na le lehaha mono a sa tlo mphumana ha nka kena teng. Ke kena bosiu, ’me ha a tsebe mohla ke kenang kapa ke tsoang. Ebile ha a tsebe moo lehaha le leng teng, ’me a ke ke a le fumana ho sa tsottelehe moo le leng teng. ‘Me ke batla ho ea buisana le Morena, nakoana, ke utloa e le bohlokoa.

²³ Mohatsa ka, o batla ho tla, o batla ho khutla ho tla chaka, le Rebekah le Sarah, le bao, le metsoalle ea bona. ‘Me re khutletse mona joale ho qeta liveke tse tharō tse latelang, ha Morena a ratile.

²⁴ ‘Me kea kholoa, sebakeng sa ho leka ho qhobella batho, likopanong tsa tabernakele mona . . . Ehlide, ke ea rōna, ke ea Morena, o re neile eona. ‘Me e kentsoe sepholisamoea. Ke rata ho tšoara tšebeletso ea Sontaha hoseng, tšebeletso ea Sontaha bosiu. E tla lumella batho ho khutlela mahabobona, ba ntoo emela veke e tlang.

²⁵ Ha ke kholoe nka tšoarana le tsona ‘me—’me ka sebetsa tšollo eo ea Linkho tsa ho qetela ka toka, hoba tsona haholo, li tšoere Molaetsa o moholo. Empa nka rapella bakuli, ’me ka etsa lintho tseo . . . Ke na le Melaetsa, hape, kamoo Morena a tla mpha kateng, e lebisoang ho kerekere. Hara veke, ke tla tsoa ho kena nahathote ke bale, ke khutle Sontaha hoseng, ke tšoare tšebeletso ea Sontaha tjena, le tšebeletso ea Sontaha bosiu. Molisa oa rōna ea mosa ka ho fetisa, Moena Neville, ke ‘motsitse haeba a tla khotsofatsoa ke hoo. Ke hona ho mo amoha litšebeletso tsa hae tsohle, empa keha a thabetse ho—ho e tèla. Ke mpa feela . . .

²⁶ Moena Capps, eèna, kea kholoa, o tšoeroe ke feberu, hape, o tsamaile kea bona, le—le Moena Humes. Morena o na rometse Moena Mann mona ho tlatsa malulo ao, le sebaka. Lea tseba,

na tšebetso ea Molimo ka lintho ha e hlolle? Lintho tsohle tsa Hae li beiloe nakong ka tšoanelo. Ke ile ka nyoloha ka utloa motho ea rerang. Ka re, "Hoo ha se... kea lumela..."

²⁷ Moena Capps, o tlide Tucson, kea kholoa e mo katlide ka potlako, keha e le ligarata tse lekholo le leshome. Keha a sa batle ho amana le eona ka letho, eaba o a tsamaea, eëna le Moena Humes, ba nyolohetse Phoenix. Ehlide, ke lekholo le leshome-hlano ho isa ho leshome-tšeleta, leshome-robeli holimo mono. Ho le hobe ho feta, kea kholoa o tlöhile a ea Texas kamora moo; eëna, a leka ho fumana sebaka.

²⁸ Empa ha u batle Arizona ea letho nakong ena ea selemo, kea le bolella. E ne le lekholo le mashome a mane, tsatsi le leng, Labohlano le fetileng, ligarata tse lekholo le mashome a mane, mane Parker. Ke hona moo Moena Craig, ho tsoa kerekeng mona, a lulang teng. 'Me u ka pshatla lehe, le halikeha le pele le fihla mobung. [Moena Branham o a tšeja—Mong.] Uena, u ka tšoela mathe 'me—'me mongobo o a moeafala, ke feels... Ha ho lesoe kapa letho, ke leupa la 'nete nakong ena ea selemo. Empa ho tloha ka Pulungoana, Tšitsoe le Pherekhong, ho a babatseha. Empa ha Hlakubele le 'Mesa li fihla, u mpe u tloha ha u sa batle ho bipela.

²⁹ 'Me Moena Capps le bao ba fihfile hantle feelsa nakong eo, ke kholoa ba balehisitsoe ke eona. Ekaba Morena o e entse ka morero. Kea lumela, Molimo o laola mehato ea ba lokileng. Ka linako tse li ekare ho boima.

³⁰ Joaloka tsatsi le leng leetong lena la Afrika, keha ke tiile hoba ke tsamaea ka thato ea Molimo. Hobane, nako ea selemo e fetileng, ke ne ke etetse tlase Boroa, ke tšoere letoto la likopano, 'me, bao—bao, ka nahana...

³¹ Ha ke tsoa mokhatlong oo, ha thoe, "U ka tla, ka mokhoa oa Borakhoebo Ba Bakreste, feelsa re ke ke ra amana le eona ka letho."

³² Be, ha ke batle ho khohletsa banna bao chebeleng, lea tseba, ho qabana. Ke—ke ba batla ha ba utloana. Eaba ke re feelsa, "Be..." Ka ba ngolla lengolo, ka re, "Hopolang, ke lekile ka lilemo tse ngata ho kena Afrika, hape, ke utloa tšebetso ea ka eso fele Afrika. Ha ke na..."

³³ Hore'ng ke tlameha ho ea Afrika, athe hantle mona Linaheng tse Kopaneng, ke na le metse e makholo a tšeletseng kapa a supileng, e hlabang mokhos, lea bona, mona hantle feelsa, ke sa kenye Canada, Mexico, kapa libaka tse ling tseo? Hobaneng ke batla ho ea koo? Empa ke ntho e pelöng ea ka, e nkhulelang Afrika. Mono, batho bao, ntho e teng—teng ka bona, eo ke e ratang, 'me ke batla ho tsamaela batho ba batšo feelsa. 'Me ntho e teng kahara bongata ba bona, baetapele bao, ba utloa ke sa tlameha ho etsa hoo. Ke—ke batla ho etela metsoalle ea ka ea batho ba batšo. Ke hona moo Morena a

mpilelitse teng. 'Me joale ba hloka. Bangata ba batho bao, batho bao ba basoeu, ba ka fumana lingaka le sohle. Empa batala bao ba batho ba phela kantle mono, 'me ba batla ba bolile. Ke—ke—ke utloa e le bona ba tlang ho E amohela. Ke bona. Ntho e teng ka eona.

³⁴ Ha u fihla moo, u hlalefang u tseba ntho eohle, Molimo o sitoa ho etsa letho ka uena. Empa ha u fihla moo ikemisetsang ho mamela le ho ithuta, ke mohla—mohla nako ea Molimo, a ka kena a bua le uena.

³⁵ Eaba ke boela ke ba ngolla lengolo, ka ba bolella. Ka re, "Le hopole, ka Letsatsi la Kahlolo, matsoho a masapo ao a ke a bitohe hara mosi, a le ahlole! Mali a bona a be holima lona, e seng holima ka, hobane ke lekile ka lilemo tse ka bang leshome ho khutla."

³⁶ Eitseha ke romela lengolo, le khutla, Ntho ea mpolella, "Bonana le Sidney Jackson, nka leeto la ho tsoma." 'Me, ka eona nako eo, Morena a bua le Sidney Jackson, ho re, "Tau e moetse o mosehla, Moena Branham o hloma kampo; Durban, kopano e khōlō."

³⁷ Be, o kile a tla koano, a bua le lona mona. Ebile, re kolobelitse... O ne a hlile a le khahlano le kolobetso ena ea Lebitso la Jesu Kreste. 'Me mohatsa'e a lhahafetse ho mo feta, a tlohe feela a itsamaele. U ne u ka... Kea le bolella, ha ke eso bone batho ba inehetseng ho feta. Ba na le bareri ba ka bang lekholo le mashome a mahlano mono, ba kolobelitsoe ka Lebitso la Jesu Kreste, 'me ba hotetsa naha feela. Molaetsa o hohola Afrika feela, hohle, ho kena bafofisi le banna ba phahameng, ba kolobetsoa ka Lebitso la Jesu Kreste.

³⁸ 'Me 'na, ha ke fihla mono, kea le bolella, ha ke eso hlaheloe ke mathata makalo bophelong ba ka, e le ha ke leka ho fihla mono. Ka matsotsa oa ho qetela, hona motsotsong oa ho qetela oa ho tsamaea, keha ho ngotsoe paseporotong ea ka, "Se lebelle tšebeletso ea mofuta ofe ea bolumeli; u ka tla tsoma feela." Be, che, keha e nyarosa.

³⁹ Empa ka re, "Ha ke tsotelle seo liabolosi a se etsang, nke—nke ka... nke ke ka chaella se builoeng ke Moena Jackson mabapi le tau e moetse o mosehla, le *sena, sane*, kapa se *seng*. Nke—ke ka se chaella. Empa ke tseba Molimo a ntaetse ho 'bonana le Sidney Jackson, ho ea tsoma.'" 'Me ka re, "Ke a ea." 'Me nakoana e itseng... 'Me ka tšoara le leng la maeto a maholohali.

⁴⁰ Ka fumana bothata ba eona. Joale kea khlooa, ho ella Mphalane, ha Morena a ratile, nka khutla ka tšoara kopano le ntho eohle, ka tšebeleiso e tletseng, ntho eohle esele, ua bona, koana Afrika joale. Eaba ke fumane sesosa sa eona 'me ka fumana motso oa eona, se bakileng hoo. Holimo mona, ho a ngoloa, e mong enoa o bua *sena*, 'me ho hong ho bua hosele,

le e mong *enoa* mane. Botle bo ka etsoang, ke ho iphumanelo, ka bo-ueno. 'Me ke tseba motso oa bothata, le lebaka la eona; ka baka la khobokano ea batho ba bangata, eaba 'muso ha o ntumelle ho e tšoara.

⁴¹ Joale haeba Borakhoebo Ba Bakreste kapa mokhatlo ofe, o ka re kenya kahare, 'muso ka boona...kaha e le mokhatlo o kabelong ea 'muso, 'muso o tla romela tšireletso ea sesole. Leha ho ka tsoa banna ba mashome a mabeli a metso e mehlano bolumeling bo le bong, le ba mashome a mabeli a metso e mehlano ho o mong, ba sa ntse ba sa tlo e amohela. Eka khona ebe—ebe hlooho ea mokhatlo ona. 'Me Borakhoebo Ba Bakreste ke mokhatlo o sa kheseng nku ka pere 'me o emetse likereke tsohle. Ngaka Simon, hlooho ea bona mono, ke monna ea lokileng, ke tlameha ho kopana le eèna ke buisane le eèna. 'Me ba tla laola likopano, 'me likereke tsohle li tla kopana 'moho. Ua bona? 'Me ke kholoa re tla tšoara likopano tse khölöhali tse kileng tsa tšoaroa koana—koana Afrika.

⁴² Empa ntlha ea ka e ne e le ena, ha u itseba u—u leka ho etsa se lokileng. Ntho ea pele, ha u ikutloa u tataisoa ho etsa letho, se hlahlube ka Lentsoe ho bona haeba se khema hantle le Lentsoe, 'me u se lumelle letho ho u khina. Ha ke tsotelle na liabolosi o lahlela lihloela tse ngata hakae tseleng, itsamaele feela o li hloe holimo.

⁴³ Ke boleletse mohatsa ka 'me ke boleletse Moena Wood, ha ke fihla mona, le metsoalle eo ke kopaneng le eona maobane: ke qetile lilemo tse hlano mona ke sa tsebe seo nka se etsang. E ne e—e ferekanya...Ua bona, tsoseletso boeona, hara likereke, e ne e shoele. Mang le mang o a tseba. Le e utloa kahara tabernakele ena. Le e utloa hohle. Ke letomotomo la maikutlo, a shoeleng. Ntho e sa lokang e teng feela. Kahobane cheseho ea tsoseletso e tlohile bathong. U kena likerekeng, u tla ba bona ba lutse mono. 'Me moruti o thekesela a batlana le molaetsa le ntho e 'ngoe. 'Me ntho ea pele lea tseba, o se a khelohetse nyeeng ea moketjana oo ba tlang ho o tsoara, kapa ho hong. E bonahala e le letomotomo le shoeleng feela hohle.

⁴⁴ Billy Graham o e lemohile; Oral Roberts. Mongh. Allen o kopane le mathata, kamoo le tsebang. Oral Roberts o fumane meaho eo ea limilione tse mashome a mahlano tsa didolara, le lilo tse joalo, ka mono. O na le sekolo. 'Me, be, ha ho motho ea keneng tšimong hona joale.

⁴⁵ Ke tlohile mona, ka pono, ho ea koana Tucson, ho bona seo Morena a mpatlileng ho se etsa. Eaba O kopana le 'na holimo mono, kamoo A le boleletseng mona A tla etsa, le ka sebopinho sa Mangeloi a supileng, le ho laela ho khutla 'me Litiiso tse Supileng li tla buloa. Ke sona hantle se hlahleng.

⁴⁶ O boletse, tsatsi le leng ke ena le Moena Woods mohla a ne a tsoa a fihla mono, ra ea tulong eona eo, ho lahlela

lejoe holimo, la theoha, A re, "Ho eso fete letsatsi kapa bosiu, u tla . . ." Ntho e itseng, ke lebala mantsoe ao. "U tla bona khanya ea Molimo."

⁴⁷ 'Me tsatsi le hlahlamang, setsokotsane sa hlahla libakeng, 'me re tseba pale e hlahileng. Eitseha le nyolaha, ba botsa ka lona. Ka re, "Le buile mantsoe a mararō, le qhomme haholo hararō." Banna ba utloile ho qhoma feela. Ke utloisisitse seo E se buileng. 'Me ha thoe, "'Kahlolo e otla Lebopo la Bophirima!'" Matsatsi a mabeli kamora moo, Alaska ea batla e teba. Esale e thoathoaretsa hohle, lit̄sisinyeho tsa lefatše, ntho eohle. Li shebeng feela, letsatsi ka leng, lit̄sisinyeho tsa lefatše li reketa hohle.

⁴⁸ Kopano ea ka ea ho qetela, mohla kopano ea ho qetela, ona e tla be e le Molaetsa oa ka oa pele, ruri, therō haesale ho tloha mohlang oo. Ke ne ke rera Los Angeles, Baltimore Auditorium, ke bua ka monna ea ikhethelang mosali. Ke kholoa le fumane lebanta leo. Eona, ka re, "E halimisa semelo sa hae le litabatabelo tsa hae." Hoo, ha monna a nka mosali, a nka ngoananyana, ho ba mosali oa hae; o nka, lea tseba, ngoanana oa sejoale e le Ricketta ea tloaelehileng feela, e—e supa seo a . . . Haeba a nyala 'mabotle kapa mofumahatsana 'mamotabo, e ka bang eng, e a mo supa, se loheletsoeng kahara monna ruri. Empa Mokreste, o sheba semelo kahara mosali, kaha a ntse a rala lehae la hosasa le mosali eo. O ntse a rala, fumana mothei oa lelapa. 'Me ka re, "Ha ho le joalo, Kreste, ho latela Lentsoe la Hae mona, o re bolella seo Lehiae la rōna la hosasa le tla ba sona. Ebe O tla khetha mosali oa mofuta mong, seotsoa sa mokhatlo oa bolumeli? Lekhale! O tla khetha mosali ea otiloeng ka semelo sa Lentsoe la Hae, 'me Monyaluoa o tla ba joalo."

⁴⁹ 'Me eare ke sa le ka mono, Ntho ea nkahlola, 'me ha kea tseba letho metsotso e ka bang mashome a mararō. Eaba ho tsoa seporofeto. Ntho ea pele eo ke e hopolang, Moena Mosley le Billy, keha ke beiloe kantle seterateng, ke tsamaea. 'Me Sa re, "Uena Kapernauma, u itheeletse ka lebitso la Mangeloi," eo ke Los Angeles, motse oa mangeloi, ua bona, mangeloi, "u iphahimisetsa leholimōng, u tla kokobetsoa tlase liheleng. Hoba, hola mesebetsi e meholo e entsoeng ha heno, e be e entsoe Sodoma, e ka be e eme le kajeno." 'Me e entsoe ho 'na, e ke se monahanong oa ka. Lea bona?

⁵⁰ 'Me ke sa tsoa laea, Kreste, ke Mo phahamisa ke bolella kereke. Ka re, "Lona basali, ho sa tsotelehe kamoo ke lekileng ho tla ho lona, kapa ho rera khahlano le lintho tsena; le lona banna, lona bareri; ha le phetse ho it̄soasolla, le e etsa ka t̄soana. La hatikela Lentsoe la Molimo eka hoja ha Se letho."

⁵¹ 'Me hoba ke utloisise hoo, ka tloha, ka re, "Le teng Lengolo le amanang le eona." Ka tloha ka fumana e le Jesu, a khalema Kapernauma lebopong la leoatle. Bosiung boo ka sheba Mangolo. Ho fihla hae, ka lata buka ea histori; 'me Sodoma

le Gomora e kile ea eba motse o—o atlehang, lintlokhōlō tsa lefatše la Balichaba. 'Me lea tseba, motse oo, ka t̄sisinyeho ea lefatše, o tetebetse tlasa Leoatle Le Shoeleng. 'Me Jesu o na eme, a re, "Kapernauma, hola mesebetsi e entsoeng ha heno ebe e entsoe Sodoma, eka be e sa eme le kajeno. Empa joale o tlil'o liheloa liheleng!" 'Me lilemo tse ka bang makholo a mabeli kapa tse makholo a mararō kamora seporofeto sa Hae, metse eo eohle e mabopong, o mong le o mong o sa eme ntle le Kapernauma, 'me e robetse botebong ba leoatle. T̄sisinyeho ea lefatše e o tebisitse leoatleng.

⁵² Eaba ho a porofetao, "Los Angeles e tla tebisoa bolibeng ba leoatle." Ka khutlela hae, ka ea Afrika. Eare ke sa le Afrika, ba otloa ke t̄sisinyeho ea lefatše. 'Me boramahlale... Le e bone, e ne e hlahile khasong ea litaba, ho thoe matlohalia itseng, a matle a hohlometse kahare, koana Los Angeles, le motele, le lintho tse joalo. 'Me joale ho na le e...

⁵³ Ho tloha mohla t̄sisinyeho eo, ho ngamohile lepatso la li-inchi tse peli kapa tse tharō lefatšeng, le qala Alaska, le potoloha hara Lihlekehleke tsa Aleutian, le bitoha limaele tse ka bang lekholo le mashome a mahlano kapa makholo a mabeli kahara leoatle, le khutlela kamora holimo San Diego; le kenyeletsa California, kapa Los Angeles, le ntano tsoa hape katlasana ho karolo e leboea ea California mono, tuloana e bitsoang San Jose, katlasana mono.

⁵⁴ 'Me ramahlale enoa o ne a bua, potsisisong. Re ne re shebile thelebishene. 'Me o itse, "Ka tlase ka mono ho tsapola ho fehleha seretse se chesang." Eaba o bua sena, ho re, "Ke lona leqhetso le tla phochoha le khephoha," le ho re, "ehlile le tla etsa joalo." 'Me eona potsi-...

⁵⁵ Monna, ramahlale ea na botsisia ramahlale enoa oa sehlooho, a re ho eëna, ho re, "Be, le ka t̄saha le hohlomela?"

A re, "Le ka t̄saha? Le tlamehile!"

⁵⁶ Ho re, "Be, ehlile, etlaba lilemo tse ngata, tse ngata ho tloha joale."

⁵⁷ A re, "E ka hlaha metsotso e mehlano ho tloha joale, kapa e ka hlaha lilemo tse hlano ho tloha joale." O balile lilemo tse hlano feela.

⁵⁸ Empa ruri eare ke sa eme mono tlasa T̄susumetso eo, kahlolo ea liheloa holima Lebopo leo la Bophirima, ea ntoo saloa morao hantle mona ke ho teba ha Los Angeles, ho felile ka eona! Ke hantle. E tla etsahala. Neng? Ha ke tsebe.

⁵⁹ Empa, oh, ho etsahetseng? Lea tseba, hona joale re fumana likontinente tse t̄seletseng feela. Re ne re ena le tse supileng, e 'ngoe e hohlometse lipakeng tsa Afrika le Linaha tse Kopaneng. Oh, ke histori, lea tseba ka eona. Joale, eo ha e ka teba, ke batla le shebe mohla...

⁶⁰ Nkile ka rera therō ena, kea kholoa, mohlang oo Moena Elij' Perry keha e le motikone mona kerekeng, kamoo ke tsebang. Empa ha thoe, "Nako e a tla..." Ke sa ka ka tseba letho hofihlela Mof. Simpson a ntliselitse e—e therō tsatsi le leng. 'Me keha ke e ngotse bukaneng, ho thoe lehoatata leo le... "Leoatle le tla bokolla le ntse le hahaba hara lehoatata." Mono ke lilemo tse mashome a mararō tse fetileng.

⁶¹ 'Me, ehlile, Leoatle la Salton le maoto a makholo a mabeli tlasa motsitsa oa leoatle, 'me ha seretsehali se fehlehang seo, se metsoa ke lefatše ka mokhoa oo, sona se etsa lisekoere maele tse makholo, mohla lisekoere maele tse makholo le tse makholo tseo li tebang tlasa lefatše, ketsahalo eo e tla tsoibila leqhubu la sekholo le tla fihla koana Arizona. Ehlile, le tla etsa joalo bo.

⁶² Oh, re nakong ea qetello, hora e khanyang, ho hlaha ha Morena Jesu! O itse, "Litšisinyeho tsa lefatše li tla hlaha libakeng tse ngata, nako ea tlokotsi, khohlano hara lichaba, lipelō tsa banna li emisoa ke tšabo." Ha thoe, "Mohla tsena li galang li hlaha, le phahamise hlooho tsa lona, topollo ea lona e ntse e atamela." Oh, khili!

Lichaba lia pshatleha, Iseraele ea tsoha,
 Lipontšo tse boletsoeng ke baporofeta;
 Matsatsi a Balichaba a baliloe, ka tsietsi tse
 phophothang;
 Khutlelang, oho lona baqhalani, ha bolona.
 (Le kholisehe ho etsa hoo!)

Tsatsi leo la topollo le haufi,
 Lipelō tsa banna li emisoa ke tšabo;
 Tlalang Moea Molimo, mabone a lona a kutoe
 a hlake,
 Lelalang, topollo ea lona e haufi! (Ke hantle.)
 Baporofeta ba bohata ba thetsa, ba latola
 'Nete ea Molimo,
 Hore Jesu e leng Kreste ke Molimo oa rōna.

⁶³ Le bona setšoantso tsatsi le leng, kamoo A phikolosetsang setšoantšo seo mahlakoreng mono? 'Me sona ke setšoantšo sa Mangeloi a supileng a nyolohang, se phikolosetse ho le letona, 'me ke seo sefahleho sa Morena Jesu ea shebileng lefatšeng hape.

⁶⁴ Le sa hopola mohla ke rerang ka *Mengoaha e Supileng Ea Kereke*, ke sa utloisise hobaneng Jesu a ka ema mono ka "bosoeu" hloohong ea Hae. E ne e le Monna e mocha. Ka e khutlisetsa Bibeleng, ea re, "Eaba ho fihla Moholo oa Matsatsi, moriri oa Hae o le bosoeu ba boea." Jesu o ne a le lilemo tse mashome a mararō le metso e merarō le halofo, thakhisong ea Hae.

⁶⁵ Ka bitsa Moena Jack Moore, moithuti oa thutabomolimo. A re, "Oh, Moena Branham, ke Jesu boemong ba Hae bo tlotsitsoeng." Ho re, "Kamora lefu la Hae, kepēlo, le

tsoho, O fetohile hoo.” Ea utloahala hantle ho moithuti oa thutabomolimo, empa keha e sa kheme hamonate, keha e sa otle ho hong.

⁶⁶ Ka nyolohela mono ka ntso qala ka mongoaha oa kereke eo ea pele, teng Moea o Halalelang oa e senola. Joale le e tšoere ho *Mongoaha Ea Kereke*. Ke kholoa libuka li tla ntšoa haufi joale, lintlha tse tletseng tsa eona. ’Me e supile Jesu e ne e le Moahloli. Ke eo wiki e tšoer eo ba neng ba e roala, ho khoesa wiki le ho e roala ha u le moahloli, Engelane e sa sebetsoa joalo ha u le kabelong ea boholo bo phahameng. ’Me eitseha setšoantšo se phikolosetsoa mahlakoreng, ke Eo, moriri oa Hae o motšo, le ka o bona lephakong la telu tsa Hae, ’me o fapile wiki e tšoer. Ke boholo ba qetello, Ke Boholo bo Phahameng. Esita le Molimo o itsalo, ka Sebele, “Enoa ke Mora oa Ka ea ratoang, Mo utloeng.”

⁶⁷ Ke Eo ’moho le Mangeloi ao, Molaetsa, etsoe e ne e le manollo e supileng ea ea litiso tse supileng tseo tse senotseng *peō ea noha* le lintho tsena tshole mona. ’Me hoo ho suptjoa e le sona sekjurumetso sa Hae, ke—ke Boholo ba Hae bo Phahameng. Ke Moholo, ’me o fapiloe, kapa—kapa o khurumelitsoe. Bibele e Mo tlalehile sefahleho sa Hae se ile sa fetoha, kapa A ile a Iphetola, *en morphē*. Lentsoe le tsoa lentsoeng Segerike, *en morphē*, le lekanya sebapali sa Mogerike se bapalang likarolo tse ngata; kajeno ke ho hong, tema e latelang ke ho hong. E ne e le Molimo, Ntate, tema e ’ngoe; Molimo, Mora, tema e ’ngoe; e ntso ba Molimo, Moea o Halalelang, temeng ena. Ua bona? Ke Eo, Lentsoe la Hae le sa ntse le Phahame. Re phela matsatsing a qetello.

⁶⁸ Ho khutla Afrika tsatsi le leng, ke batla ke khathetse. Ua bona, hona joale ke bosiu mono, ’me u tlameha ho phethoha. ’Me hoba ke phethohe, ke boela ke khutla. Re ile ra tšoara kopano e babatsehang, leeto la ho tsoma, le fetisang ka bokhabane bophelong ba ka. Keha Billy a tšoere litšoantso tse ’maloa, mohlomong a ka ba le nako ea ho li bontsa nqa e ’ngoe, a le bontše leeto.

⁶⁹ Ka lora toro. Khafeta ke lora ke khutletse Public Service Company, ka mokhoa o itseng. Eaka ke—ke ntse ke tšoarane le mosebetsi ke lefisa, ke ne ke tšoanetse... Ba ntlohetse ho itšebeletsa ke le mong, eaba ke hopola ho... Ho ena le ho ea hlahluba lithapo kapa ho phutha mangolo a melato, kapa seo ke neng ke tlameha ho se etsa, ka re feela, “Be, mona kea itaola,” ka tloha ka ea sesa feela. Eaba ke theohela mono ka hlobola tsa ka... liaparo tsena, ho apara liaparo tsa ho tola. Ke le mong. ’Me ka nahana, “Khele, ha se hantle, khampani... Ke motšeare, khampani e ntefa nako ena.” Ka nahana, “Ho a makatsa.” Eaba kea nahana, “Be, chelete eo ke e phuthileng tseleng...” Keha ke tsoakantse ea ho hlahluba le ea tsela, ’me ka re, “Be, chelete eo ke e phuthileng, ke entse ntho e ’ngoe, ha ke ntse ke bapala mona; ke lahlile litlankana tsa ka tshole, ’me

chelete ea bona e tsoakane le chelete ea ka. Joale ke tla tseba joang ea lefileng lengolo la molato?" Ka nahana, "Kahobane feela ke ne ke sa tsepamisa maikutlo!" Ka nahana, "Ha e a loka. Nka etsa ntho e le 'ngoe feela, eona, ke ho khutla ho ea bolella supritente." Eèna e le Don Willis, ka re, "Don, ke lahlile litlankana. Joale chelete ea ka eohle ke ena, 'me chelete ea bona ke ena, 'moho. E siee mona ho moamoheli oa chelete. 'Me batho, ha ba kena, ba tla fuoa resiti e reng ke amohetse lengolo la molato oa bona."

⁷⁰ Mohlomong ba teng batho ba lutseng mona bao ke—ke... Kea tseba hore ba teng. Bao nkileng ka phutha ho bona koana—koana mehleng eo, 'me ebe ke... 'me ke ntše resiti. Lea tseba, o ne o jeoa liphesente tse leshome ha u tlotse molato oa hao. 'Me mohlomong, dolara le halofo, ebe lisente tse leshome le metso e mehlano kaholimo. 'Me bongata ba batho bao ba phetse... Re ne re rata ho kopana re qoqa, ba tlohele lengolo la molato, 'me 'na ke tlie ho qoqa le bona nakoana. Ba lefe lisente tse leshome le metso e mehlano, le a tseba, ho lula fatše feela le ho qoqa nakoana, le ho phutha mangolo a molato oa bona. Eaba e a mpefala, mangolo a molato a qhobellana hona ka ba ka sitoa ho a phutha.

⁷¹ Be, ka hopola e le eona feela ntho eo nka e etsang. 'Me eaba kea phaphama.

⁷² Moo ke lulang teng, Khaitseli Larson. Ha ke kholoe a le teng mona. O bile mosa haholo ho rôna; 'me ha a rate ha ke rialo. Empa ke mofumahatsana ea lokileng, 'me esale re lula liphaposing tsa hae. O na le meaho e mebeli, meaho e mebeli e menyanyane e matahaneng, eaba re e hira bobeli ba eona. 'Me 'na le mofumahali re robala mona ka—ka moahong o mong oo ke amohelang batho ha ke khona, 'me ka mono ho kentsoe libethe tse 'maloa tsa ba babeli.

⁷³ Ka tsoha. Eèna a eso tsohe. 'Me kamora nakoana, a tsoha. 'Me ka mo tsokela letsoho, eaba o retoloha a ntse a panya hangata. Ka re, "U robetse hantle na?"

A re, "Che."

⁷⁴ 'Me ka re, "Ke lorile toro e hlollang haholo. Ke ne ke khutletse Public Service Company eo hape." Ka re, "Ebe ke entseng?"

⁷⁵ Ke sa hopola, boshanyaneng ba ka, kapa bohlankaneng, ke ne ke hlahloba lithapo tseo tsohle Salem, Indiana, ho fapan... Ebe kea kena, ke reke e—e borakefese, sekotlolana sa outšu. Letsatsing le chesang leo le ntho eohle, 'me ke kule, ha ke ja borakefese boo. Ebe ke tlaleha lisente tse leshome, e le litjeho tsa ka. Mosuprintente a fihla a re, a re, "Na u a tseba ba itseng e—e kopanong eo? 'Ke mang hloohofito eo e tlalehang lisente tse leshome, e le litjeho tsa borakefese?" Ho re, "Bonnyane u tlameha

ho tlaleha lisente tse mashome a mahlano.” Joale, bohle lea tseba, mehleng eo borakefese ba lisente tse mashome a mahlano bo ne bo le matla.

’Me ka re, “Be, ha ke je ha kaalo.”

A re, “Be, ba bang kaofela ba tlaleha lisente tse mashome a mahlano. U tlameha ho tlaleha lisente tse mashome a mahlano.”

Ka re, “Be, ha ke e sebelise.”

Ho re, “E tlalehe, leha ho le joalo.” Eo keha e le mosuprintente.

⁷⁶ Be, ka nahana, “Be, nka etsang? Ke tlameha ho lefisa lisente tse mashome a mahlano, ’me ke je lisente tse leshome.” Ke nt oo tsoela seterateng ke thole bana ba sa jang borakefese, ke ba rekele borakefese ba lisente tse mashome a mane.

Eaba kea nahana, “Be, ebe e ka ba . . . Ekaba eona ntho eo A nkoetletseng eona.”

⁷⁷ ’Me kea hopola, nakoana e fetileng mona, ba ile ba fihla ba ntse ba hlahloba, ba heletsa jarete e kamorao eo, ha thoe, “Tlaleha litjeho tsa hao.” Lea tseba ba fuoe litokelo tsa ho hlahloba, empa ba tlameha ho lefa litšeyehelo.

⁷⁸ Ka boela ka ngola ka re, “Ha le na molato oa letho le ’na.” Ka nahana, “Hoo ho tla lefa bolisente bao ba mashome a mane. E ka ba ke sebelitse didolara tse mashome a mabeli kapa tse mashome a mararō nakong eo, ke ntse ke e fa bana. E ka ’na ea anela.” Ka ’na ka lora.

⁷⁹ Kastle mono keha ke lemme sefate se seholo, bana ba bapala tlasa sona, ’me bahlahlobi . . . Joale ba hlahloba ka henikoptara. Eaba o kena a re, “Billy, u reng ka ho khaola sefate seo?”

⁸⁰ Ka re, “Che, le se se khaole. Re tla se kuta bochitjana.” Ka re, “Na le Moena Wood re tla se kuta bochitjana.”

Ha thoe, “Be, ke tla roma monna ea tla se kuta bochitjana.”

Ka re, “Joale, le se se khaole.”

A re, “Nke ke ka se khaola.”

⁸¹ Ka tloha ka kena leetong. Ha ke khutla, keha se ponngoe ho fihla tlase mobung. Ke se ke tla ritela nyoe, ua bona. Ka re, “Be, Morena, e tla e batalatsa, kea tseba.” Ka baka leo ka e hlakola, keha ho itoketse, ka e tlohela feela. Be, ka ’na ka e lora.

⁸² Ha ke tsoha hoseng ho hong, ka re, “Be . . .” Ntho ea pele ha re tsoha hoseng, re rapela ’moho, re nt oo rapela ha re ea robala bosiu. Hoba a tlohe ho ea batlela bana borakefese, ka qala ka rapela. Ka re, “Morena, ke tlamehile ke be ke le mothoka e mobe haholo. Ke entseng bophelong, ha ke—ke khone ho khaohana le Public Service Company eo.”

⁸³ Ka kena ho ea tola, eaba kea tsoa. Ea ka ntho e re ho 'na, "Mohlomong ke ntse ke liila mosebetsing oa *Hae*." Ka nahana, "Lilemo ke tsena li batla li le hlano ke sa etsa letho, ke sa ntse ke Mo emetse."

⁸⁴ Tsatsi le leng keha ke eme mono. Ba re hahetse ntlu e ncha holimo mono, eaba Moena Mosley o a theoha, a ntse a bua ka eona. Ka re, "Ke neonyana e tsoang ho Ntate oa ka." Eaba o qala a lla. Ka re, "Ua bona, O itse, 'Ha le tèla malapa a lona, matlo, masimo, bontate, bommè, Ke tla le nea matlo, masimo, bontate, bommè, tse baloang halekholo bophelong bona, le Bophelo Bosafeleng bo tläng ho tla.'" Ka re, "Ua bona, ke siile tabernakele eo ke e ratang haholo. Lelapa leo Morena a mphileng lona holimo mono, ka tlameha ho le siea. O boetse o mphile lena." Ka re, "O a babatseha, u a bona." [Sekheo lebanteng—Mong.] Eaba o qala a lla.

⁸⁵ Be, ka—ka re, "Ka na ka tlameha ho tsoela koano ho ikarola, ho kena lehoatateng lena." 'Me ka nahana, "Horeng Molimo o ka ntisa lehoatateng, kantle mona ha ho letho ke liphepheng le lilalome tsa Gila?"

⁸⁶ Ha se lehoatata feela, ho a chesa, empa le moeeng ke lehoatata. Oh, khili! Ha ho bophelo ba semoea ho hang, kahara likereke, ba khahlano...Khele, ha u eso bone ntho e joalo bophelong ba hao! Ha ho kereke eo re eang ho eona, kapa letho. 'Me hape ha...Batho ba batla ba eshoa, semoeeng. Ke e lemoha ka ho batho ba tsoang ba tsoang mono, ke bona phapang ea bona, ke a elelloa.

⁸⁷ Ka hona u lule tlasa Moea oa Molimo, 'me bophelo ba hao bo a nolofala, bo eba mosa, joaleka metsi a melisang joang le menoko e bonolo. Haeba...joang bona, koana Arizona, bo ke ke ba mela; lifate li ka fetoha meutloa, mahlaku ao a itšopa feela a hlabä. Le kereke ha e omella ka mathoko ho ba joalo, e mong o hlabä e mong, u a tseba. 'Me, ua bona, u tlameha ho nolofatsoa ke metsi a pula, ho hahela mojaki ea fetang mahlaku le moriti.

⁸⁸ Eaba Ntho e re ho 'na, "Mohlomong u ntse u liila mosebetsing oa Molimo." Ka hona, ka rapella pono.

⁸⁹ 'Me Meda o na mphumanetse Bibele e ncha; le Moena—Moena Brown, ho tsoa holimo Ohio, a mphumanetse Bibele e ncha; bobeli ba tsona ka nako e le 'ngoe, ka Keresemose. Ka tloha ka ea nka e 'ngoe ea Bibele tse ncha. Ka re, "Morena, mehleng e fetileng, U kile oa ba le Urim le Thammime."

⁹⁰ Joale mammelang, e reng ke bue sena. Ehlide, bao ha se...sena, ha se kopano e hatisoang, lebaka leo ke kopang...ke buang sena. E reng ke bue, le se etse ntho ena. Ha se ntho e lokileng.

⁹¹ Empa ka re, "Morena, e ne e re, ha molori a lorile toro, ba e theolele ho Urime le Thammime, ba e phete. 'Me haeba eona—haeba Urime le Thammime li boela li halimisa maseli,

Leseli le mohlolo, toro e ne e nèpile.” Ka re, “Empa boprista boo le Urime le Thammime eo li felisitsoe. Bibele ea Hao ke Urime le Thammime joale; Morena, ke se hhole ke etsa sena hape. Empa ke U kopile ka ba ka U rapela, ho mpha pono, ho mpolella hobaneng ke lora litoro tsena. ’Me ebe ke entseng? Haeba ke sentse, haeba ke entse letho mothong ea itseng lefatšeng, ntsebise. Ke tla—ke tla—ke tla ea e lokisa. Haeba ke na le molato ho Public Service Company, haeba ke sitetsoe bona kapa motho e mong, haeba ke U sitetsoe, ntsebise. Ke—ke batla ho e lokisa.”

⁹² Re mpe re e lokise, joale. Se eme hofihlela hamorao, e ka ba morao haholo. Re mpe re e etse hona joale.

⁹³ ’Me ka re, “Ruri, e teng ntho kahara Lentsoe lena la Molimo, ho tloha ho Genese ho fihla ho Tšenolo, motho eo U kileng oa sebetsana le eëna, mabapi le potso e tšoanang le ea ka. Ha a le teng motho ea kileng a etsa letho, ’me—’me Ua mo sala morao ka eona, ntumelle ho phetla sebaka seo Bibeleng. ’Me haeba motho, leha ekaba ba entse eng, tsela ea ka e tla sekamela moo. Moo ke fositseng, kapa seo U ne u mpatlile ke se etse, kapa ke sa se etsa, ntumelle ho bona semelo se kang seo kahara Bibele.”

⁹⁴ Eaba kea tutubala, ka lumella Bibele ho buleha, ka bea monoana oa ka holima Lengolo, Genese 24:7. Eleazare, mohlanka ea tšepehang oa Abrahama, mohlanka e leng mohlala ka Bibeleng, ea rongoang ho tsomela Isaaka monyaluo. Ka utloa ke kenoa ke mohatsela. Ehlide, oo ke oa ka...e lumellana le Molaetsa oa ka kaofela, ho ntša Monyaluo.

⁹⁵ A re, “Hlapanya hore u ke ke ua nka monyaluo ho bana, u mpa u tla ea bathong ba heso.”

A re, “Ha mosali eo a ka hana ho tsamaea le ’na teng?”

⁹⁶ Ha thoe, “E tla ba u lokolohile kanong ena.” A re, “’Me Molimo oa Leholimo u tla u etella pele ka Lengeloi la Hae, ho u tsamaisa.” Eaba o tsoela ntle hantle ho ea rapela, a kopana le Rebeka e motle ea eba monyaluo oa Isaaka.

⁹⁷ Molaetsa o phethehileng feela, morao Lentsoeng, “E-ea u late Monyaluo eo!” Ke eona tšoanelo. Ke ona morero oa ka mona. Ke sona seo ke lekang ho se etsa, ke ho bitsa Monyaluo.

⁹⁸ Le sa hopola California mono, potsisiso eo ea Monyaluo, ponelopele, eo ke e fumaneng mona. Kamoo Monyaluo eo a nyolohileng pele, ka Mo bona a feta. Mono ha feta Mofn. Amerika, Mofn. Asia, le bohle, ’me, oh, ntho e tšabehang ka ho fetisa! Eaba ho boela ho feta Monyaluo eëna eo. E mong oa bona a tsoa setapong, ’me ke leka ho Mo khulisetra setapong; e ne e le bona, ba babeli. ’Me ke sona seo ke tlamehang ho se etsa, ho baballa Monyaluo eo setapong, ho tsoma monna eo.

⁹⁹ Ka re, “Molimo, ke khutlela hae, ho nchafatsa likano tsa ka, ho qala bocha.” Re ikemiselitse ho etsa hoo, ke mona ka morero oo.

¹⁰⁰ Ke kholoa ekaba molemo ho rōna ho etsa sena, ho qala ka la leshome le metso e robeli, veke tlang, hoseng ha Sontaha se tlang, bosiu ba Sontaha se tlang; Sontaha se tlang, le Sontaha se tlang. Ba hopolang e ka ba molemo ba bakae? [Phutheho e re, “Amen.”—Mong.] Kea le leboha.

¹⁰¹ Joale ke le batla le nketselitse ho hong. Haeba le boleletse batho ka—ka kopano e tlang ea la mashome a mabeli a metso e robeli, na le ka ba bolella ho e phumula, hore re hlollehile. Bolella, ba ngolle lengolo, kapa ntho ho hong. Ha re batle batho ba tlang ’me ba soaba, empa ha rea khona ho fumana odotoriamo.

¹⁰² Ua bona, ha rea khona ho e fumana. ‘Me ho joalo hobane kopanong e fetileng re bile bangata haholo holimo mono, le ntho eohle, ba mpa feela... Lea tseba na batho ba joang, ’me ba... Be, re phela matsatsing a qetello feela, ke phetho. Ba re batho ba sitisitse sekolo, ba fihlile mono pele ho nako, ba entse *sena*, kapa *sane*, kapa ho hong, le sebaka keha se petetsane haholo, ’me molaoli oa mollo o etsa *sena* le *sane*. ‘Me, be, lea tseba.

¹⁰³ Ka hona re tla hlaphisa Likotsi tseo le Literompeta tseo, ke batla ho li hlomamisa kahare. Ke le boleletse joalo. Li kena tlasa ntho e itseng. Le Likotsi li hlahella joalo, moletso oa literompeta; empa re batla ho tšoarana le letoto lohle ka kotloloho, ho e kenya, ho e tlama ’moho.

¹⁰⁴ Ba balileng lethonyana la Moena Vayle ba bakae, eèna ea ngotseng hoo, ’me a e lokisa a ntlhophisetsa melao ea puo? Na le balile lethonyana la eona? Le khonne, ba babeli kapa ba bararō ba lona. Ke kholoa u entse mosebetsi oa makhonthe, Moena Vayle, mosebetsi oa makhonthe! Uena, kea kholoa ke Khaitseli Vayle ea e entseng; eaba u e ngola feela. Eena—eena o ne a... Lea bona, ha ke khahlano le basali kamehla, na ke joalo, Khaitseli Vayle?

¹⁰⁵ Ka hona joale, metsotso e ka bang leshome le metso e mehlano, e mashome a mabeli, ha re baleng Lengolo mona.

¹⁰⁶ ‘Me mona ke tšoere bukana. Ke boletse, kea kholoa, e ne e le Moena Vayle, kapa, ebe ke mang, kapa kea kholoa ke Roy Borders. Moena Vayle o ntheketse buka eo. Ke batla ho e fetola bukana ea lithero.

¹⁰⁷ Empa motho ea ka shebang seo ke se bitsang linoutšu! Haeba ke batla ho rera ka Naleli ea Meso, ke tako naleli. ‘Me ha ke batla ho rera ka... Mona ke e tako eohle ka lipapiso, litemanyana, ha ho motho ea ka e tsebang. Ha ke tsoile, ’me ke nahana ntho, ke ea teng, ha ke khanna tseleng, ka linako tse ling koloi e tlolela holimo-le-tlase, ebe ke ngola *sena* fatše, ke bue *sena* le *sane*, ke take matšoaonyana, le sefapano le marogo,

le—le lintho tsa mefuta eohle. Ha ke batla ho rera ka Naleli e theohang; ke tla taka piramite, ke e tšoantše ka ntle mono ebe ke hloma naleli ea Davida e ntlha li tšeletseng e theohela holima eona. Kahara Mangolo ke tseba moo ke eang teng; 'me Moshe, o ne a etsa ntho e itseng. Mehlala ea likalakunu feela, ntho e kang eo.

¹⁰⁸ Mona ke tšeore e 'maloa. 'Me ke hopotse, hoseng hona, motšeо ha ke ne ke nahanne ho bua metsotso e 'maloa ka temana ena ea hoseng hona, ka ntlha, e ka nqosa metsotso e ka bang mashome a mabeli.

¹⁰⁹ 'Me bosuing bona ha ke na ho amoha Moena Neville tšebeletso ea hae. Ke—ke—ke tla phomola bosuing bona, ke mo mamele.

¹¹⁰ 'Me hape, ha Morena a ratile, re tla qala tšebeletso hoseng ha Sontaha se tlang. 'Me bohole le nthuse, 'me re tla rapela, hobane pelōng ea ka ke ne ke tla leka ho...Ba itse, "Be, re ka ea Louisville kapa re ka theohela New Albany." Empa likopano li ne li reretsoe Jeffersonville. Ke tla ea Louisville le New Albany, ka linako tse fapaneng, empa ena e tlameha ho tšoareloa mona Jeffersonville.

¹¹¹ Joale ha re inamiseng lihlooho tsa rōna metsotso esale re...Mona ke qoqile le lona metsotso e ka bang mashome a mararō. Ha re bueng le Eena nakoana.

¹¹² Morena Jesu, rea—rea ruri re batho ba sitsitsoeng, e hlola monahano oa rōna, e hlola kutloisiso ea rōna. Hoba, hola motlotlehi a fihla hara rōna, a tsoa naheng e sele a le kabelong ea 'muso, kapa modiplomate oa mofuta, re ka hopola e le tlotla ho eteloa ke motlotlehi ea joalo hara rōna. Empa kajeno re na le Molimo oa Leholimō, ha a hara rōna feela, empa ka ho rōna, o ahile, o phela Bophelo ba Hae ka rōna. 'Me re leboha sena haholo, Morena! E hlola kutloisiso ea rōna hole, ehlile.

¹¹³ Empa joale ho bua ka litšebeletso, le ho ea Afrika, le ka lintho tseo re lekileng ho li hlaphisetsa matsatsi a 'maloa ana mona Indiana. Le kamoo ka mokhoa ona kapa o itseng, Morena, mohlomong O re khannela tenteng eo, ho phethisa pono eo. Thato ea Hao e etsoe, re e rerile tjena, ka kutloisiso ea rōna e khabane. Ka hona rea rapela, Morena, ha ntho e le teng khahlano le thato ea Hao, O tla re tsebisa eona, re tle re tsebe ho phethisa thato ea Hao e tletseng.

¹¹⁴ Joale re hlohonolofatse metsotsong e 'maloa ena e latelang. Bua le rōna ka Lentsoe la Hao, Morena, hoba Lentsoe la Hao ke 'Nete. Re e kopa ka Lebitso la Jesu. Amen.

Ha re phetleng Bibeleng, ho Mareka, khaolo ea 8.

¹¹⁵ Ka tloaelo le tsoa neng, leshome le metso e 'meli? [Motho o re, "Re ka re hora ea leshome le metso e 'meli."—Mong.] Ho

lokile. Joale, ke Molaetsa o mokhutšoane feela mona joale ho bua le lona ka Lentsoe, ka mora ho paka ka tulo eo mono, le ka lintho tse joalo.

¹¹⁶ Mareka, khaolo ea 8, re ka qala ka temana ea 34, ho fihla ho 38, ho kenyeletsa ea 38, khaolo eo eohle. Ke rata ho bala seo A se buileng, kaha ke se tseba se nepile. Joale re . . .

Eare hobane a biletse bongata le barutuoa ba hae ho eena, a re ho bona, Motho le ha e ka ba mang le mang ea ratang ho ntatèla, a ke a itèle, a ipelese sefapano sa hae, 'me a ntšale morao.

Hobane ea ratang ho boloka bophelo ba hae o tla timelloa ke bona; . . . ea timelloang ke bophelo ba hae ka baka la ka le la evangeli, o tla bo boloka.

Hobane motho leha a ruile lefatše lohle, 'me a timelloa ke moea oa hae, etlaba o ruileng ka lona na?

Kapa motho moea oa hae o tla o reka kang?

Hobane ea hlajoang ke lihlong ka 'na le ka litaba tsa ka pela moloko ona o mofebi o moetsalibe; le eena Mora motho o tla mo hlabeloa ke lihlong, mohla a tlang ka khanya ea Ntatae hammoho le mangeloi a halalelang.

¹¹⁷ Ke batla ho qotsa sehlohonyana ho tsoa mono, haeba se ka bitsoa joalo, se bitsoang: *Lihlong*. Lea tseba, ke rata hoo. “Mang le mang ea hlajoang ke lihlong ka ‘Na le ka Mantsoe a Ka, le ‘Na ke tla mo hlabeloa ke lihlong.”

¹¹⁸ Joale, lentsoe *lihlong* le ka boela la fetoleloa “tšabo.” Lea tseba, ntho eo u . . . U tobana le seo u leng lihlong ka sona, ho soaba.

¹¹⁹ Hoo, ntho e ‘ngoe ka lihlong, li u supa u sa kholiseha ka seo u se buang. Ha u tseba seo u se buang, ka kholiseho e reng u tseba seo u se buang, u ka se bolella mang le mang; ha u na lihlong. Empa ha u ikutloa u sa tsitsa, u tsoile mocheng, e u supa u sa kholiseha.

¹²⁰ Lea elellooa taba eo e hlile e atile kajeno, haholo mabapi le sehlooho seo ke buang ka sona sa, “*lihlong tsa Lentsoe*.” Joale, Eena le Lentsoe ke ntho e le ‘ngoe.

Lentsoe le ne le le tšimolohong, 'me Lentsoe le ne le ho Molimo, 'me Lentsoe e ne e le Molimo.

'Me Lentsoe le ne le etsoe nama, 'me la aha hara rōna, . . . Eena maobane, kajeno, le ka ho sa feleng!

¹²¹ Ka baka leo, “Ea lihlong ka ‘Na le ka Lentsoe la Ka,” ‘me Eena le Lentsoe la Hae ba Bang, ka baka leo ho hlabeloa Lentsoe la Hae lihlong molokong o moetsalibe, ona oa joale, “Le ‘Na ke tla mo hlabeloa lihlong.”

¹²² Joale kajeno rea elellooa, ha motho a re, “U—u Mokreste na?” Ho atile haholo, ho thoe, “Oh, ke Mokreste!” Ua bona?

¹²³ “Empa na u lumela Lentsoe la Molimo, moo Le itseng, ‘Mehlolo e tla tsamaea le ba lumelang ke eona ena?’”

¹²⁴ “Oh!” Esita le lifahleho tsa bareri lia tlerefala. Ua bona?

¹²⁵ Na u lihlong, ha re re, ka pholiso ea Khalalelo? Na u lihlong ka Evangelie tletseng? Na u lihlong ka boiphihlelo ba hao ba pentekosta? Hoo ke ho hlabeloa Lentsoe la Hae lihlong. Leo ke Lentsoe la Hae le entsoeng nama ka ho uena.

¹²⁶ Ka baka leo, Lentsoe la Hae le tlameha ho Iphela molokong o mong le o mong. Le kile la Iphelela matsatsing a Moshe. Hobane, letsatsing leo, Bibebe e boletse, ho Baheberu, khaolo ea 1, “Molimo, ha o ne o buile mehleng ea khale le kamekhoa e mengata le bontate ka baporofeta.”

¹²⁷ ’Me baporofeta bao! Kereke e ne e tšophahane hoo ka hohle... Baporofeta bao, baromuo ba sebete bao ba Molimo, bang ba se na kereke, ba se na mokhatlo oa bolumeli, be se na mokhatlo, ba se na letho; ba hanetse marena, mebuso, likereke, le ntho ka ’ngoe. Enereha baprista ba tlisoa pela... Ba tlisoa pela baprista, ba se lihlong, kaha ba tšoere HO RIALO MORENA ka kotloloho.

¹²⁸ Ha u ka eleloa, moporofeta, ka puo e ’ngoe, ka hara Testamente ea Khale, enereha a re HO RIALO MORENA, joale mo bee leihlo, o kena hantle selikeng sa ho tlatsa malulo a Molimo. U a eleloa, enereha a hloma ka pela hae, HO RIALO MORENA, o ne a oela ka hara Molimo hantle, ’me a itšoare joaloka Molimo. Ebe o ntša Molaetsa oa hae, e ne e le Molimo o buang ka eena, “HO RIALO MORENA!”

¹²⁹ Ke hopola baporofeta ba khale, ha ba etla ka Molaetsa oo, ’me O ne o hlabisa marena lihlong, ’me batho ba sa tsitse ka baka la Oona. Baprista, esita, le bona ba sa phuthuloh, kaha ba tlamehile ebe e le baetaapele, banna ba barapeli, ’me enereha bao... Lentsoe le tsoa ka mokhoa oo, Le a ba pepesa, ’me ba ikutloe ba soabile, kapa ba le lihlong.

¹³⁰ ‘Me re e bona khafetsa, ha se ba bangata, khafetsa haholo kajeno! Monna eo, u re, “Ke Mokreste!”

“U amohetse Moea o Halalelang ho tloha u lumetse?”

“Oh! Huh!” U a bona, ba—ba soabisoa ke Eona.

¹³¹ Motho o re, “U setho sa sehlopha se holimo seo se hlabang litlatse mono, le nyee eo eohle ea pholiso ea Khalalelo?” Hangata, Bakreste ba checha.

¹³² Ba batla ho tumisa, haeba—haeba ba na le mokhatlo oa bolumeli, joale, “Ke Mobaptise. Ke Mopresbeteriene. Ke Moluthere.” Hoo ha ba ho hlabeloe lihlong.

¹³³ Empa ho ba Mokreste ea tsebang ho nka Lentsoe la Molimo Le joalo, mono bao ba—bao ba—bao ba lihlong. “Ha ke setho

sa mokhatlo ofe oa bolumeli,” ua bona, bao, bao ba—bao ba lihlong ho rialo. Ba tlameha ho itšoanelā le lefatše lohle, ho emeloa ke mokhatlo oa mofuta.

¹³⁴ Joale, taba eo e sa tsoa kena. Litsiung tsa Luther, ho ipitsa Moluthere kapa molatèli oa Luther, be, u ne u ka bolaoa ke kereke ea Katolike. Litsiung tsa Wesley, ho tseba hobane o hanetse kereke ea Anglican, e batla e le kahlolō ea lefu ka Maanglican, ho ipitsa Momethodise. Litšiung tsa Pentekosta, e ne e le lihlong, koana, ho re u re u le—u ne u re le mopen tekosta, hoba kapele ba se ba u bitsolla mohaleli-mothethēhi, kapa—kapa raliteme-teme, kapa ntho e kang eo. Joale ba hlophisitse ‘me ba imatahantse le sehlopha sohle.

¹³⁵ Joale ha nako ea ho biletsoa ka ntle e fihla, ho ipolela u se setho sa ntho efe ea tseo! Ho atile ho re, “Ke Mopentekosta.” Ho atile ho re, “Ke Mopresbeteriene. Moluthere.” Empa ha ho fihloa mohla u tlamehang ho tsoa le ho emela Lentsoe, “Ha ke setho sa ntho efe ea tseo”? Hoo, hoo ho a soabisa.

¹³⁶ Jesu o itse, “Joale, ha u le lihlong ka ‘Na, le ‘Na ke tla ba lihlong ka uena.” Hobaneng A tla ba lihlong ka uena? Hobane u ipitsa oa Hae, athe ha u batle ho Mo sala morao.

¹³⁷ Ha nka re, “Moshanyana enoa, ke—ke mora oa ka”; ebe o hlanoha a re, “Mang, ‘na mora oa hao? U nkuka ke le eng!” E ka ntšoabisa. E ka etsa joalo, ka mora oa hao.

¹³⁸ ‘Me ho a itšoanelā le ka baipehi ba Bakreste kajeno. Ha u e rea lebitso la mokhatlo oa bolumeli, ho itoketse, ba amohela bo-ntate ba mokhatlo oa bolumeli. Empa haele ho amohela bo-ntate ba Lentsoe la Molimo, Kreste, che, ba soaba. Ha ba batle ho re, “E, ke buile ka lipuo. E, ke bone lipono. E, ke lumela pholiso ea Khalalelo. E, ke rorisa Morena. Ke lokolohile mokhatlong ohle, ha ke khumamele ofe feela hara eona. Ke mosebeletsi oa Kreste.” Oh, khele, taba eo e ba seha likotoana feela.

¹³⁹ Bosiu bo bong, sebui se seholo se kene hara Borakhoebo Ba Evangeli E Tletseng mane Chicago.

¹⁴⁰ Na nka khefutsa motsotso feela mona, ho bua sena. Le ntšoarele. Empa hangata le ee le nahane, le ‘na ke etsa joalo, hore seo re se buang, ‘Nete ea Bibele, ha e finyelle batho. Empa, E a finyella. Ka linako tse ling ba E hanetsa, ba mpa ba sa tiea. Ba leka ho fumana moo u emeng teng.

¹⁴¹ Pale ea seholo sa matahoa, se neng se ngangisana ho thoe Bokreste ha bo eo. Monna e mong o itse, “Ke tseba e mong, ke mohatsa ka.”

Ho re, “Be, ha ke—ke e lumele.”

Ho re, “Tloo, re tla . . . ha re itahiseng haholo.”

¹⁴² Ba nyolohela tlung, ba etsa sohle seo ba ka se khonang. 'Me—'me ba kopa ho phehelo mahe, eaba o a lahlela fulurung, a re, "Ua tseba hantle ha u mphehele mahe joalo!" Ba itšoara joalo ka tlung. Eaba ba kena phaposing e 'ngoe, ba itahlela setulong. Ba utloa motho a ntse a fiela ka ntle mane, a sa bue letho, a ntse a re, a ipinela sefela.

Jesu a ka itjarela sefapano,
Lefatše lona la lokoloha?
Bohle re beetsoe sefapano,
Le 'na ke beetsoe sefapano.

Sefapano se thata sena ke tla se jara,
Lefu le tle le be le ntokolle,
Ke nt oo ea hae ho roala moqhaka.

¹⁴³ Letaoa le leng leo la khale la re, "Ke itseng ho lona?" Ha thoe, "Ke Mokreste!" Ua bona, ba mpa ba mo leka feela. 'Me ka linako tse ling lefatše, ke fumane ho re, le a u leka.

¹⁴⁴ Ka hona ke sa ka ka hopola sena se ka etsahala, empa bosiu ba Moqebelo o fetileng, kea kholoa, kapa Sontaha bosiu, sebui se seholo... Ha kea lemalla ho bitsa mabitso a batho. Empa o ntse a leka, o sebetsa khahlano hantle. Ke ntse ke leka ho boloka likereke tseo ka ntle ho setlamo seo sa bokereke, athe monna enoa eena o leka ho li kenya ka hare. Ka hona, o ne a buella Banna Borakhoebo Ba Bakreste. Etsoe, ke ne ke tlamehile ho tšoara kopano Chicago, 'me ka hopola ke tla be ke le Afrika nakong eo, ka se ke ka khona ho e nka. Monna enoa a bua, a nyolohela mono a re, "Motsamao o moholohali, ntho e khölöhali lefatšeng hona joale, e kileng ea hlaha; likereke tsohle li khutlela kerekeng ea Katolike, ka motsamao oa bokereke, 'me Makatolike a tla amohela Moea o Halalelang." Leraba le le kakang la liabolosi!

¹⁴⁵ Me moetapele enoa, Moena Shakarian, mopresidente oa Borakhoebo Ba Machaba, a ema a bua, hoba monna a lule fatše, ha thoe, "Rōna ha rea e utloa joalo." Ha thoe, "Moena Branham o re boleletse, ho re, 'Motsamao ona oa bokereke o tla ba kenya bohle letšoaong la sebata.'" 'Me monna eo keha a lutse kalaneng. Ha thoe, "'E tla e sotetsa hantle letšoaong la sebata.'" Le ho re, "Re sekametse ho lumela seo a se buang e le 'Nete." [Motho ka hara phutheho o re, "Amen! Le rōna bo!" —Mong.] 'Me a re, "Ba ka ratang ho utloa Moena Branham a tla le hlahisetsa lehlakore la eona la makhonthe ba bakae? Emang." 'Me e le batho ba likete tse hlano le ho hong. Ba hlaba litlatse ba lla, ho tla letsatsi le le leng feela, letsatsi le le leng.

¹⁴⁶ Moena Carl Williams a ntetsetsa, a re, "Moena Branham, moshaana, ke tsamaile hara letšoelie leo," ha thoe, "keha ba qhobeletse lipampiri tse ngata tsa lekholo la didolara matsohong a ka, ho u rekela tekete ea sefofane ho tla holimo koano, le ho khutla." Ua bona, letsatsi le le leng feela!

¹⁴⁷ Ua bona, batho bao, Lentsoe leo le kena le teba moo ka linako tse ling re sa tsebeng. Ua bona? Empa, ua bona, ha u hlile u... Ho sa tsotelehe lefatše le ema khahlano le Lona hakae, mekhatlo ea bolumeli e ema khahlano le Lona hakae, Molimo o Le paka e le 'Nete. Qetellong mohla hora e khōlō e otlang, ho ka etsahala lintho tseo re sa kang ra li nahana.

¹⁴⁸ E, e u supa u sa kholoa, haeba u soaba, u ka mpa ua lesa ho qoqa ka temana eo. Ha u e hlabeloa lihlong, u ke ke ua batla ho qoqa ka eona; u a honyela.

¹⁴⁹ Empa monna ea tletseng Moea o Halalelang a ka khona joang, monna ea tletseng Matla a Molimo a ka khona joang, athe lerato la Molimo le ahile pelōng ea hae, ho qoqa le monna metsotso e 'maloa a sa bue ka lerato leo le ahileng pelōng ea hae? Ua bona, ntho e 'ngoe e—e a etsahala; u ke ke ua khona.

¹⁵⁰ Taba ena, e tšoanetse e be e le letsatsi le khopo leo Jesu a le boletseng. Batho ba lihlong ka Lentsoe le ka Moea oa Molimo o sebetsang ka ho bona. Empa ha 'Nete e hlakisetsoa batho, ke Molimo, ka Sebele, o Itšenolang ka Lentsoe.

¹⁵¹ Joale, motho ofe a ka ipolelisa eng le eng. 'Me re e fumane matsatsing ana, ho hlahisitsoe litlaleho tse ngata, ho bile ha tšabeha. Empa, u a bona, haeba e le 'Nete, eka khona e tle ka Lentsoe. Hobane, ba itlaleha ba fumane lintho tsa mefuta eohle, tsa ole e phallang bathong, le mali a kopotsang matsohong a bona, le basali ba lutlang mali mekokotlong ea bona, a phallela lieteng tsa bona, ebe ba rola lieta 'me ba tšolle ole, le linqanqane tse qhomang 'me li qothoma holima kalana, le lintho tse joalo tsa mefuta eohle. Kahara Bibele lintho tse kang tseo ha li fumanoe. Ha ho tšepiso ea ntho e kang eo, kahara Bibele. Feela, E mpa e itse, "Matsatsing a bofèlo, moea o tla bapa ho ka thetsang le bona Bakhethoa." Empa Lengolo la ntho eo ha le fumanoe.

¹⁵² Empa mohla Lentsoe la Molimo la makhonthe, le sa silafalang, le chaelloang ke Molimo, ekare Le hlabisa sehlopha se seng lihlong, sona se ka lehlakoreng le feteletseng. Ua bona, Le a soabeloa.

¹⁵³ Empa Ke bonnete ho monna kapa mosali, moshanyana kapa ngoanana, e leng Mokreste oa makhonthe. Mohla Molimo o ne o etsa pallo ea kolobetso ea Moea o Halalelang, 'me o E amohetse, e teng Ntho e ahang ka ho uena, ha ho letho le ka tlatsang malulo a Eona. Motho ha a kopana le Molimo; e se ka maikutlo a fehluoeng, a cheseho ea mofuta, kapa ka thuto ea borapeli, ea katekisima ea mofuta kapa tumeloana, kapa ka ho ikhohatsa ka tšomo eo a—a e amohetseng, a mpa a fihla moo Moshe a kileng a fihla teng, motšeо ho lehoatata, a kopana le Molimo o Matlaohle lifahleho li talimane, 'me u bona Puo eo e buisana le uena, e khema hantle le Lentsoe le tšepiso ea hora, E u etsetsa ntho! Ua bona, ha u lihlong ka Lona, Le u etsa ntho e 'ngoe. Joale, ha re shebeng joale, metsotso e latelang e leshome le hlano.

¹⁵⁴ Ba teng batho ba amohelang tsepiso e joalo. 'Me e re ke sa buisana le lona kajeno, e seng joaleka kereke kapa joaleka mokhatlo oa bolumeli, ke bua le lona joaleka motho; e se ka hoba le kena tabernakele ena, kahobane ke le rata le lona le nthata, ha se ka lebaka leo. Ha nke ke bue le lona sa motho ea shoang, u tlameha ho fihla qetellong ea bophelo bona tsatsi le leng. 'Me mohlomong ke tla be ke le sieo, le moreri e mong o tla be a le sieo. Empa o Mong feelsa Ea ka kopanang le uena mono, 'me eena ke Molimo. 'Me u—u Le mamele, 'me ha se hore "mohatsa ke Mokreste ea lokileng" kapa—kapa "monna oa ka ke Mokreste ea lokileng," empa, "Na ebe ke lokile nqa Molimo? Na ebe ke kopane le Molimo joalo?" E se ka hobane "moruti oa ka a kopane le Molimo," kapa hobane "motikone oa ka a kopane le Molimo," empa, "Na ke kopane le Eena?" E se ka hobane "Ke hlabile littatse," e se ka hobane ke "ke buile ka lipuo," empa hobane, "ke kopane le Eena Motho eo!" Ha u sa tla ba lihlong ka ntho Eo, e teng Ntho e phethehileng le e hloekileng, le ea mannete.

¹⁵⁵ 'Me hopola, u ka kopana le moea o etsisang Molimo. U ka kopana le moea, o ka etsang *sena, sane*, kapa se *seng*; latela nakoana ho bona kamoo o bapang le Lentsoe la Molimo. U ka kopana le moea o reng u pholositsoe, o u arubetsang ka maikutlo a monate, 'me u ka hlabi littatse ua hooeletsa; empa ha ho fihloa ho latola Lentsoe, ebe Moea o Halalelang, o ngotseng Lentsoe, o ka o latola Lentsoe la Oona ka Boona joang? Moea oo o tlameha ho omèla tsepiso eohle ea Molimo ka "amen"! Ha ho se joalo, etlaba ha u eso kopane le Molimo, u kopane le moea oa bohata. 'Me kajeno lefatše le tletse ona!

¹⁵⁶ Empa ha u bona Molimo a theoha a bolela taba, A re o tla etsa hore-ho-itseng, e ntoo khutla e etsahatsa hona hoo, nako ka mora nako ka mora nako, etlaba u fumane Moea oa Molimo oa makhonthe.

¹⁵⁷ Moea o lutseng holima monna o ka khona joang, Moea o Halalelang o ngotseng Bibele, oa ba oa hlanoha 'me oa latola, "Ha e a loka, E ne e baletsoe letsatsi le leng"?

¹⁵⁸ O itse, "Pallo ena e etselitsoe lona, le bana ba lona, le ba leng hole kaofela, bao Morena Molimo oa rōna a tla ba bitsa." E ne e le Liketso 2:38. Ho tla joang hore moea o amohela ntho e fapanang le Eo, 'me ebe oa Molimo, athe Baheberu 13:8 e itse, "Jesu Kreste eena maobane, kajeno, le ka mehla"?

¹⁵⁹ Hola motho a itse, "Oh, ke Mo lumela e ne e le mofilosofe. E ne e le monna ea lokileng. E ne e le moporofeta. Empa ha ho tluoa matleng a Hae . . ."

¹⁶⁰ Tsatsi le leng ha ke qoqa le George Smith, moshanyana ea tsamaisanang le morali oa ka, Rebekah; thaka le imametseng, o kile a bina mona tabernakeleng. Moshanyana oa Mobaptise ea nkileng feelsa, ea itseng, "Hlakolang lebitso la ka nthong eo!"

Ha ke sa batla ho amana le eona.” ’Me mono keha ho ena le mofumahali e mocha . . . Mohlang oo ba tšoere seboka, kereke e itseng ena ea Baptise, holimo koana maralleng.

¹⁶¹ ’Me—’me ba khahlano le ’na ka thata, bao bohole ka ntle mono, ha se mabapi le . . . Ha ba na letho khahlano le ’na; ke khahlano le Lentsoe lena. ’Na, joaloka monna, ba ke ke ba bua letho khahlano le ’na, ha ke eso ba khopise. Empa ba tšaba Seo. Ua bona? Joale re ne re . . .

¹⁶² Mohlang keha ba tšoere kopano holimo mono, ke rialo, ’me ba tšoere, ba tla bitsa morongoa ho nka masiu a mararō a qetelang seboka se seholo sena, holimo koana lithabeng moo ho pholileng. Ha etsahala, eaba morongoa enoa o ema a fihla ho Mareka 16, ’me a re, “Kajeno bongata ha bo lumele pholiso ea Khalalelo.” Ha thoe, “Ke ne ke etetse India. ’Na ke Leindia. ’Me ke ne ke etetse India mohla monna oa Linaha tse Kopaneng mona, ea bitsoang Moena Branham, a fihlang.” Molisa a qala a atamela. Ha thoe, “Mohatsa ka o ne a bolaoa ke mofetše. ’Na ke foufetse,” kapa ntho e kang eo. “A rapella e mong oa rōna, e mong a mo qohölla letšoeleng, a sa tsebe le puo ea rōna, eaba o tlaleha Matla a Molimo.” Le ho re, “Ke rōna bana mona, re folile!” Be, ba leka ho mo koala molomo. Keha ba sa khone. Hoo, ua bona, hantle sebokeng sa bona.

¹⁶³ Eaba ba latola ntho eohle. ’Me batho ba bang, esita le oa ka . . . khaitseli ea moshanyana enoa, ba lutse mobung, ba sa bue letho. Keha ba batlile ho tseba haeba a sa amane le bona ka letho, mokhoa oo ba ka o khonang ho fumana.

Mofumahali e mong a re, “Be, kea e lumela.”

¹⁶⁴ Rebekah le George ba tloha ho bona mofumahali enoa. Eaba o tloha ho ea lata ngoanana ea tšoeroeng ke e—e . . . a batla a holofetse kelello, ha nyenyane. Ba ntlisa ho tla bona ngoanana, bosiu bo bong. ’Me ka ea teng, mofumahatsana keha a lutse mono, ’me ka re, “Na u molumeli?”

¹⁶⁵ A re, “Nah, ha ke tsebe haeba ke le eena kapa che.” Be, o ne a sa holofala kelello; ke moea oa liabolosi feela. Ha ba e elelloe. Ua bona, o a u hapa, ’me ha u tsebe. O a fihla, ebe motho eo o kenoa ke moferefere, ’me ha ba tsebe.

¹⁶⁶ Basali ba tsamaeang ka ntle mona seterateng, ba tenne lishoto tsena, ha ba elelloe. Koana bona, ba ka khona ba ka tseba ba ka khona ba ka paka ba hlapanya, hore ha ba eso siteloe banna ba bona ka bobo, le lintho tseo, ka mokhoa oo. Empa pelöng ea bona, ha ba elelloe, hore ba hapiloe ke moea oa liabolosi. O ba hapile. Hobaneng mosali a ka batla ho hlobola liaparo tsa hae, ka pela monna? Motho o mong feela ea e entseng, ka hara Bibele, ’me ba ne ba hlanya. Ba bang ba leka ho ikapesa; ha ba elelloe. E masene haholo, e hlalefile! U tlameha ho ela hloko, o ippee sekaleng ka Lentsoe la Molimo, u bone moo u emeng teng.

¹⁶⁷ Mofumahatsana enoa a re, “Oh, ba itse ke kolobelitsoe ke sa le lesaea.” Ha thoe, “Ha ke tsebe haeba ke tlameha ho lumela nyee eo kapa che.”

Ka re, “Ha u lumele Jesu Kreste na?”

¹⁶⁸ ’Me a re, “Be, ha ke tsebe haeba ke etsa joalo kapa che.” A re, “Nyee eo ke sefi sa bokhelohi, ha ke e lumele.”

¹⁶⁹ Ka re, “Be, ehlile, ha u lumele sefi seo sa bokhelohi.” Ka re, “Empa na u Mo lumela e ne e le Mora Molimo?”

“Oh,” ha thoe, “E ka be e ne e le eena.”

¹⁷⁰ Ka re, ’me ka re, “U a lumela esale Eena kajeno, Molimo ea ka u pholosang?”

¹⁷¹ A re, “Na e teng nyee eo eohle ea mehlolo le nyee e kang eo? Ha ke lumele letho la eona.”

¹⁷² ’Me ka re, “U tla etsang haeba u lutse kahara kopano ’me u bona Molimo, Moea o Halalelang, e leng oona feela Molimo o leng teng, o sebetsa hara batho; Molimo lekhatheng Bontate, Topallo ea Mollo, le baporofeta; Molimo ho Mora oa Hae; e ntoo ba Molimo ka ho batho ba Hae? E mpa e le litholoana tsa Molimo, Molimo o le mong O moholo o khurumetsang Bosafeleng.” Ka re, “U ne u tla bonang haeba Eena, hara batho ba Hae, a ne a tutubolla e—e lifofu, litholo li utloa, a sheba letšoelle a bolella batho mathata a bona, le kamoo A sebelitseng mohla A leng holima lefatše?”

A re, “Kea kholoa e tla be e le bolepi ba linaleli.”

¹⁷³ Ka re, “U mobe ho feta kamoo ke ne ke lekantse. Molemo ke hola u ne u hlanya, ua bona, u ne u sa tlo jarisoa boikarabelo.” Empa ka re, “U mpa u arubelitsoe ke moea o mobe feela.” Ka re, “Mohla Jesu a ne a bolella mosali ea selibeng ka banna ba hae, mohla A talimang holima letšoelle a lemoha mehopolو ea bona, na u ka e bitsa bolepi ba linaleli?” Ua bona, o ne a phuthetsoe ka mokhatlo oa bolumeli bo bitsoang Lutherane, haholo feela, hore ntho efe e khahlano le bona e fosahetse!

¹⁷⁴ Joale Molimo o batla monna ea phuthetsoeng ka Lentsoe. Ntho efe e khahlano le Hoo e fosahetse! Jesu o itse, “Lentsoe la motho e be leshano, ’me la Ka ebe ’Nete.”

¹⁷⁵ Monna o kile a hlaha mongoaheng oa mahlale a maholo, a bitsoa Nohe. O ne a se lihlong ka Lentsoe la Molimo. Molimo o kopane le eena, ’me Oa buisana le eena. A tseba hobane e ne e le Molimo. ’Me A re, “Pula e tla na!” Pula e ne eso ne, empa a lumela hoba pula e tla na. ’Me tumelo ea hae, a se lihlong ho e hlakisa. A qeta lilemo tse lekholo le mashome a mabeli a haha areka, athe lefatše le ne le eme khahlano le eena. O ne a se lihlong ka Lentsoe la Molimo, letsatsing la hae. Eaba Molimo o boloka eena le lelapa la hae, ka baka la eona. Ha ba le... Ho batho ba bang ea ka bosaoana; empa, ho eena, o ne a kopane

le Molimo. Ho sa tsottelehe mahlale a ba bang bohle, ba emang khahlano, kamoo ho itsoeng “e ke ke ea etsahala, e ke ke ea etsahala,” o ne a kopane le Molimo!

¹⁷⁶ Ho joalo ha u itseba o buisana le Eena! Ha u hopole e le booatla ha motho... Athé, ebile ke tseba batho ba ’maloa lefatšeng ba itsoarella ka seo ke se buang e le ’Nete. Ho ema mona le ho re, “HO RIALO MORENA, ke ea Arizona, teng ke tla kopana le senkhome sa Mangeloi a supileng,” be, taba eo e bonoe ke sehlopha sa banna ba ’maloa e etsahala. Bosiu bo bong, ea boleloa, “Los Angeles e tla tebisoa tlasa leoatile.” Empa ha u kopane le Molimo, homme Molimo O sa hloleheng, Molimo O etsang seo O itseng O tla se etsa, O se entse kamehla, ha u lihlong ka eona. Ha u a tlameha ho checha ka santhao u soabisitsoe ke eona; u ka bolella lefatše lohle. Ha monna a kopana le Molimo, a buisana le Eena, ’me bonneta ba Molimo bo mèla pelōng ea hae, ha a lihlong ka Lona.

¹⁷⁷ Nohe o ne a se lihlong. Ho lefatše lohle e ne e eka booatla, empa e seng ho eena.

¹⁷⁸ Moshe, mohla a emang pela Faro, keha a se lihlong ho bolella Faro lintho tsena tse itseng tsena tse tla hlaha, kaha a kopane le Molimo. Molimo o ’moleletse, sehlahleng se tukang. Moshe o itse, “Ke—ke molomo o boima.” O ne a le joalo, a holoketsa.

¹⁷⁹ A re, “Aarone ke eo. Uena u be Molimo ho eena, ’me eena ebe moporofeta oa hao. Ke mo tseba a bua hantle. Empa Ke tla lula molomong oa hao. Ke mang ea neileng motho puo?” Amen. Ke rata hoo. Ke Molimo oo. “Ea entseng tsebetutu kapa semumu ke mang, kapa ke mang ea ka neang motho puo?” Ke Molimo.

A re, “Morena, mpontše khanya ea Hao.”

Ha thoe, “U tšoereng letsohong la hao?”

A re, “Ke lere.”

¹⁸⁰ Ha thoe, “Le lahlele fatše,” la fetoha noha. Ha thoe, “Boela u e tšoare,” ea fetoha lere hape. Amen. Ke Molimo. “Sunya letsoho la hao ka sefubeng sa hao.” A le sunya, a le ntša, le lesoue ke lepera. Ha thoe, “Le sunye hape u be u boele u le ntše,” keha le tšoana le letsoho le leng. “’Na Ke Molimo.”

¹⁸¹ Eaba o atamela Faro ’me u bue seo A itseng o tla se bua. A re, “Ho tla ba *tjena* le *tjena*.” Ho ngoatha lehlabathe a le lahlela sebakeng, ha thoe, “HO RIALO MORENA, matsetse a hlaha lefatšeng,” eaba matsetse a hlaha. A kha metsi a tšollela nokeng, ha thoe, “HO RIALO MORENA,” ’me noka eohle le ntho eohle ea fetoha mali. A bitsa a theola sefako leholimōng.

¹⁸² Lea tseba, likotlo tsena li tlameha ho hlaha hape matsatsing a qetello. ’Me le hopole, mofebi, mehleng ea Bibebe, kotlo ea hae e ne e le lefu ka ho tlepetsoa ka majoe.

'Me kereke e sa lumeleng e tla tlepetsoa ka majoe e shoe, ka majoe a sefako, Molimo o kile a ahlola joalo. O tla tlepetsa lefatše lena le sa lumeleng ka majoe, moloko ona o mofebi. O tla le tlapunya ka majoe a tsoang leholimōng, ka majoe a sefako le le leng le boima ba talenta, e leng liponto tse lekholo. Kereke e mofebi e tla shoa, lefatse le mofebi le tla shoa tlasa kahlolo ea Molimo, ka ho tlepetsoa ka majoe, joalokaha A entse tšimolohong. Lokisa litaba le Molimo, uena kereke! Ke seo bohle re tlamehang ho se setsa, ho khutlela ho Molimo!

¹⁸³ Motsofe eo ea fahleho se makhisa, ea moriri o moputsoa le matšoala, a le lefatla, liphaka tse moketa, Elia ea lilemo li mashome a robeli a lutse lehoatateng, a shebile libe tsa batho. Molimo oa bua le eena hoseng ho hong, ha thoe, "Theoha u boelle Akabe hoba le phoka e ke ke ea theoha leholimōng ha ke sa ka ka e bitsa."

¹⁸⁴ Ke bona mahloana a hae a masesane a nyaretse tlasa telu tse makhisa tseo tse tšoeu, a tšoere lere letsohong la hae, a theoha ka seterata eka moshanyana oa lilemo tse leshome tšeletela. A kena hantle ka pela sefahleho sa morena, le ho re, "Esita le phoka e ke ke ea theoha leholimōng ha ke sa ka ka e bitsa." A se lihlong ka Molimo kapa ka Lentsoe la Hae; ho bolella morena kapa motho ofe le ofe. A sa hlajoe ke lihlong. A sa tlameha ho pata, ho re, "Joale, Akabe, u tla ba . . ."

¹⁸⁵ Taba eo e batla e nkhopotsa rōna. Eaba ke re ho batho, "Ke fihla moo, ke hlokang tumelo e ngata." Ke khutletse lapeng ka morero oo joale ho fumana e—e tumelo e ncha e phatlohang.

¹⁸⁶ Ho fihlile moo, ekare, ha u rapella batho, u kopa tšoarelo, "Mongh. Liabolosi, na u ka sutha ua ntumella ho . . . ?" Le letho! Tumelo e litšika, sefuba sa eona se mohoete. Ha e bua, tsohle lia khutsa. Ha e kene e re, "Mongh. Liabolosi, na u ka tsoa?"

¹⁸⁷ "Tsoa mona! Ke mora Molimo, ea ronngoeng ke Molimo. Ba tlohele!" E a sutha. Ha u kope tšoarelo ho liabolosi, ha u amane le eena ka letho. Ha u lihlong ka Lentsoe la Molimo, ha u lihlong ka thomo ea hao, ha u lihlong ka hore na u mang.

¹⁸⁸ Lihlong tsa ka feela, ke Branham, ke tsoalo ea ka ea lefatše. Ke lihlong ka liphoso tsa ka.

¹⁸⁹ Empa joaleka mohlanka oa Hae, ha ke na lihlong! Ha ke na lihlong tsa Lentsoe la Hae. Leha ekaba mekhatlo ea bolumeli, marena, batlotlehi, e ka bang eng; eba malala-a-laotsoe ho neana ka karabo, Molimo o batla hoo.

¹⁹⁰ Moshe o tsamaile a fihla ka pela Faro. A se lihlong ho 'molella ba ke ke ba tenyetseha 'me ba qeta matsatsi a hae a ma-kana ka ntle lehoatateng.

A re, "Lona basali le ka itšalla, la itulela le bana ba lona."

¹⁹¹ Ha thoe, “Bohle re tlil’o tsamaea! Le tlhakoana e ke ke ea sala, re tla tsamaea le makhomo a rōna le tsohle.” A se na lihlong. Hobaneng? O ne a kene kahara Leseli la tokoloho.

¹⁹² Ka lona lebaka leo monna kapa mosali, ea kulang leha e le eng, hang ha a kena ka pela Sefahleho sa Molimo, ’me a tseba hobane Molimo o ba folisitse, u kena kahara Leseli la tokoloho. Ha u tenyetsehe holima letho.

¹⁹³ Tokoloho e ne e lutse pelōng ea hae, kaha a kopane le Molimo O itseng, “Ke Molimo oa Abrahama, O neileng Abrahama tsepiso. Ebile nako, nako ea topollo, ea toelo, e atametse. Ke u theolela mono ho ba ntša.” Tšoarelo e kotjoang mono, ke eang?

¹⁹⁴ Faro a ka be a ’molaile. E ne e mpa e le motho feela. E ne e le lekhoba. A ka be a ’molalile. Empa o ne a se lihlong ka Lentsoe. Ha a fihla a khumama ka mangole a hae a rapelisia Faro ka letho. O itse, “Ke tlide ho ba lata.”

Faro o itse, “Be, u ke ke ua ba nka!”

¹⁹⁵ O itse, “Ho lokile, matsetse a tla hlaha lefatšeng, u tla be u lukele hara oona.” ’Me ke sona se hlahileng.

Ha thoe, “Oh, Moshe, a tlose!”

Ha thoe, “Ho lokile. Joale na u a baka?”

Ha thoe, “Be, u ka tsamaea matsatsi a *ma-kana* lehoatateng.”

¹⁹⁶ A re, “Ho tla fihla lintsintsi.” Amen. Ha thoe, “Lefifi le tla fihla.” Keha ho fifetse u sa bone sebaka se seng ho se seng.

¹⁹⁷ Qetellong ha fihla lefu. Ho qala ka Faro ho fihla ho mosebeletsi, ha eshoa letsibolo la lelapa. Ba sa hloke ho kopa motho tšoarelo ea letho. E ne e le mora oa Abrahama, ea tsoaletsoeng kahara Moea oa Molimo, ea romiloeng ke Molimo, Molaetsa oa Molimo, ho theoha le ho ea ntša batho bao.

¹⁹⁸ Be, na Molimo o ke ke oa bitsa ntho e tšoanang horeng ena, ho ntša Monyaluoah kahara kereke? [Phutheho e re, “Amen.”—Mong.] Daniele o ne a sa, kapa...

¹⁹⁹ Davida, ke rialo, keha a sa tšoha ka pela Saule. Athemang le mang o ne a tšohile Goliathe kantle mono, ha a ka a tšaba ho nyoloha. Le ho re, “Mohlanka oa hao...” Thaka le khutlahaneng lena la re, “Mohlanka oa hao o ne a alositse manku a ntatae, eaba bere e nyoloha e tšoara e ’ngoe. Eaba ke e qobokisa lehoatateng ka e bolaea, ka letjeketjane. Eaba ho fihla tau.” Oh, khili! “Ha kena tau ea tšoara e ’ngoe, ea ntoo matha e kena lehoatateng, eaba ke e lahla fatše ka letjeketjane. Ha e tsoha, ka e bolaea.” A re, “Me Molimo...” Morena eo oa mongala ea emeng mono, masole a tenyetsehang ao a itlalehang a sebeletsa Molimo oa Leholidimō, ba tlohetse leqai leo la Moflista le eme mono le nyefola makhotla a Molimo o phelang. Ha thoe,

"Le mohlanka oa hao o tla mo bolaea. Hoba, Molimo O neetseng tau le bere matsohong a ka, o tla neela le eena Moflista eo oa leqai." A se ke a hoeleea, a se ke a re, "*mohlomong* e tla etsoa." O itse, "E tla etsoa!" Keha a se lihlong.

²⁰⁰ Daniele, ka pela morena, a se ke a tšaba ho hanelitaelo tsa hae tse hanelang motho ofe ho rapela, ha e se ho eena feela. A bula lifesetere a phetla lesira, a rapela hararō ka letsatsi. A sa tšabe.

²⁰¹ Shadrake, Meshake, le Abednego, ha ba ka ba tšaba sebopi sa mollo. Ha thoe, "Molimo oa rōna o khona ho re loela. Molimo o ka re loela. Empa leha O sa etse joalo, re ke ke ra khumamela setšoantšo sa hao." Ba ne ba se na lihlong tsa eona. Che, monghali. Che, monghali. Ruri ba ne ba se lihlong tsa eona, hobane ba tsebile.

²⁰² Samsone o ne a se lihlong pela Baflista. Mohla a khoroheloang ke sekete, a sela mohlaare oa mulete. Athelihelome tseo, botenya ba tsona ke inchi le halofo, ea borase. Eaba o ratha a rapalatsa sekete ka oona, a ba a sala a kokositse mohlaare letsohong la hae. O ne a sa soaba. A mpa a sela se matsohong a hae, a sebetsa ka sona. O itsebile Moea oa Molimo o lutse holima hae. O itsebile a tsoetsoe e le Monazare. O tsebile ho se letho le tla mo khathatsa. E ne e le mohlanka oa Molimo. Ha feela a lutse thatong ea Molimo, ho se letho le ka thibang tsela ea hae, ho sa natsoe bongata ba marena kapa Baflista, kapa ho ka hlaha eng hape. Hantle.

²⁰³ Johanne o ne a se na lihlong tsa Lentsoe la Molimo le tlileng ho eena lehoatateng, la mo laela ho kolobetsa ka metsi. A se lihlong ho re, "Bonang Konyana ea Molimo e tlosang sebe sa lefatše," hobane Moea oa Molimo o no o lutse holima hae. Ha a ka a hlajoa ke lihlong pela baprista.

²⁰⁴ O ne a se lihlong ka Lentsoe la Molimo mohla a tsamaeang a nyolohela ho Heroda. Mohatsa Filipi o ne a phela le Heroda. A tloha a tla ema hantle ka pela sefahleho sa morena! Thaka lena le tsoang lehoatateng le sefahleho se makhisa, la tsoa mono, le sa rutheha kapa le letho, la kena ka pela sefahleho sa Heroda hantle, la re, "Ha se tšoanelo ho uena ho mo nka!" A se lihlong ka Lentsoe la Molimo. Ehlide. A hlile a se lihlong ka Lona.

Setefane, o ne a se lihlong ka Lentsoe la Molimo.

²⁰⁵ Pele, batho ba pentekosta holimo mane ka Letsatsi la Pentekosta, mohla ba phuthehileng phaposing e kaholimo, Moea o Halalelang o tšolohetse holima bona, ka pallo ea Molimo. Luka 24:49 e itse:

...bonang, 'na ke tla le romella pallo ea Ntate: le mpe le eme...motseng oa Jerusalema, le tle le be le amohele matla a tsoang holimo.

²⁰⁶ 'Me eona pallo eo Lentsoe la Molimo le ba baletseng eona, "Bonang, Ke tla le romella pallo ea Ntate, le mpe le eme mono;

le se ke la ithuta thutamolimo e ngata kapa lithupello, le lintho tse joalo, le eme le tle le be le apesoe ka Matla.” ’Me mohla Matla a tsoang Leholimōng a ne a fihla, joaloka moea o fokang ka sefefo, ba ne ba se na lihlong ka Evangelī.

²⁰⁷ Petrose a ema, a re, “Bakang, e mong le e mong oa lona. Lona banna, ka matsoho a lona a bokhopo, le thakhisitse Morena oa Khotso, athe Molimo o mo tsositse bafung. Rōna re lipaki tsa taba eo. Hobane ena ke taba e boletsoeng ke Joele ho hlaho matsatsing qetello, ‘Ke tla tšela nama eohle ka Moea oa Ka.’” O ne a se na lihlong tsa Evangelī.

²⁰⁸ Setefane e monyenyanē, ke buile ka eena metsotso e ’maloa e fetileng, mohla a hlahang eka—eka—eka leholiotsoana. E ne e se moreri. E ne e le motikone feela, empa o pakile ka tsoho hohle. O ne a kopane le Molimo. ’Me ho batla ho itšoanelā le . . .

²⁰⁹ U ka leka ho mo thiba? Be, eka ho leka ho tima e—e ntlu, ntlu e chelang, e lakoma mollo, mohla moea o fokang, ho omile. Khele, nako le nako ha moea o butšoela, o hotetsa mollo o mong hape.

²¹⁰ Ba mo hulela pela Lekhotla la Sanhedrine. Na lea elelloa keng? Le tšoana le Lekhotla la Bokereke. Malumeli ohle a habile teng, ho kena tlasa Lekhotla la Bokereke. Bao bohole ba ile ba bokellana tlasa Lekhotla la Sanhedrine mono. Bafarisi, Basadusi, Maheroda, sohle seo ba neng ba le sona, eaba ba tlameha ho kena tlasa lekhotla leo. Eaba ba mo qotsa, e seng mokhatlo o le mong feela, empa a qotsa ke lekhotla le leholo. “Re tla mo tšosa re mo harole letsoalo.”

²¹¹ Eitseha a nyoloha, hoseng hoo, Bibele e re sefahleho sa hae se ne se tšoana le Lengeloi. A re, “Banna ba heso le bontate, utloang ha ke bua. Bontata rōna ba ne ba ahile Mesopotamia ba eso ahe Kharane,” le joalo. A tlohe a ntše Mangolo. Eitse hobane a fuluehe, Moea oa mo tla, a re, “Lona ba melala e thata, le sa bollang pelō le litsebe, le hanelo Moea o Halalelang kamehla; le lona, le tšoana le bontata lona.” A se na lihlong tsa Evangelī, a se na lihlong tsa Lentsoe. A sa soaba pela Lekhotla lefe la Sanhedrine. Che.

²¹² Pauluse o buile pela Agrippa. E ne e le Mojuda, a rutiloe ke Gamaliele, ea seriti haholo. Empa tsatsi le leng, tseleng e theohelang Damaseka, a kena ka pela Sefahleho, a kopana le Molimo. Lengeloi la theoha Leholimōng, ka sebopēho sa Topallo ea Mollo, Leseli le mo lahletseng fatše. A tsoha, a re, “U Mang, Morena?”

’Me A re, “Ke ’na Jesu.”

²¹³ Ka pela Agrippa, a phetha pale eo hape. A re, “Ha ke lihlong ka Evangelī ea Jesu Kreste, hoba Ke Matla a Molimo a pholosang, e mong le e mong ea lumelang.” Ehlide.

²¹⁴ Joale, metsoalle, re ntse re theoha ka motho, ho theoha ka mongoaha, empa nako e re siile.

²¹⁵ Empa e reng ke bue sena. Motho ea kileng a kopana le Molimo hang, e leng Lentsoe, 'me a hlakiselitsoe Lentsoe le bile le bonahalitsoe ho eena, ha ho lihlong tsa letho ka eona. Ha u soabe. Ha ke soabe ho itlaleha ke lumela Lentsoe le leng le le leng la Molimo. Ha ke soabisoe keha Morena a ntaela ho bua taba, u tloha ho ea e bua le ho ea e etsa; ha ke soabisoe ke ho itlaleha ke tletse ka Moea o Halalelang; ha ke soabisoe ke ho itlaleha ke buile ka lipuo lisele; ha ke soabisoe ho itlaleha Morena a mpontšitse lipono; ha ke soabisoe ke ho bolela E sa le eena maobane, kajeno, le ka mehla.

²¹⁶ "Etlero ha le emisoa pela babusi le likhosi, ka baka la Lebitso la Ka, le se nahane seo le tlang ho se bua, hoba le tla ho neoa ka eona hora eo. Ha se lona le buang, empa ke Ntate oa Ka ea ahileng ka ho lona. Empa ea hlajoang ke lihlong ka 'Na le ka baka la Lentsoe la Ka, molokong ona, le eena Ke tla mo hlabeloa ke lihlong ka pela Ntate oa Ka le Mangeloi a halalelang." Molimo o re thuse ho se hlajoe ke lihlong, empa ho re thusa ho fetoha bopaki bo phelang.

²¹⁷ Monna e mong le e mong kahara Testamente ea Khale, enereha baporofeta bao ba fihla, ba ne ba fetoha—ba ne ba fetoha Lentsoe le phelang. Bao e ne e le Lentsoe. Jesu o ba bitsitse melimo, athe e ne e le bona, hobane Lentsoe la Molimo le tlide ho bona. Ba re, "Ke HO RIALO MORENA."

²¹⁸ Le morutua ofe oa Kreste ea holehanang le Eena ka topollo, 'me poloko e kene pelōng ea hae, ke morui oa Molimo. 'Me ebe re tlameha ho phela bophelo ba mofuta ofe, 'me re tlameha ho tsamaea joang, 'me re tlameha ho bua joang, haeba Molimo a Ipontšahatsa ka mebele ea rōna e shoang? Ea ka bang lihlong ka hoo ke mang?

²¹⁹ Ha nka tholoa ka nokeloa matleng a sepolesa mona Jeffersonville, ebe ke theoha ka seterata, ke jarisitsoe boholo bohole, nke ke ka ba lihlong ka motse ona. Ke tla be ke le karolo ea motse. Ke tla be ke le lepolesa, karolo ea motse, ho boloka khutso le toka. Ho motho ea tlolang lebone le lefubelu, ha ke lihlong ho 'molella phoso ea hae, ke mo kata tekete. Ke tšoanelo ea ka, hobane ke—ke lefshoa ke motse. Ke phela ka motse. Motse o 'neile matla. Leha a tahiloe, kapa bothata ba hae e le bofe, ba tla ntšehtsa. Ke emela litšoanelo tsa ka, hobane ke lepolesa 'me ke hlom.... Ke hlomamisitsoe, kapa ke hlonnge mona 'me ke filoe matla ho etsa sena. U tlameha ho tšoara molao le litokelo, le lintho, 'me u hlokomele hobane e etsoa ka népo.

²²⁰ Le joalo, ha ke le Mokreste 'me ke tlatsitsoe ka Moea, ke apere bopaki ba tsoho ea Jesu Kreste, bo reng Ke eena maobane, kajeno, le ka mehla, u se lumelle liabolosi ho u akhela koana le koana, ho re, "U se etse sena 'me u se etse sane." U Se etse. Molimo o u neile e...

²²¹ Ua bona, ha re na matla. Lepolesa leo ha le na matla a ho emisa koloi e le 'ngoe. E batla e...ka linako tse ling matla a moutoro oa tsona ke a lipere tse makholo a mararo kapa tse makholo a mane, a ka etsang? Empa o apesitsoe boholo.

²²² 'Me eo ke Kereke. Re apere boholo, ka tsoho ea Jesu Kreste le ka Lentsoe la Hae la pallo, allelua, "Lintho tseo Ke li etsang le tla li etsa le lona; le tla etsa le tse fetang tsena, hobane Ke ea ho Ntate."

²²³ U se ke ua Mo hlabeloa ke lihlong molokong ona; oa sebe, oa tsieleho, e leng moloko oa ho qetela o tla hlaha holima lefatše, oa sebe, o mofebi, o tletseng liso tse bolalu. Hohle, hohle ho neng ho lokile ho fetohile ho sa lokang. Lipolotiki tsa sechaba, sebolu! Lichaba li arohane.

²²⁴ Motseo koana likhoeng tsa Afrika, maetong a botsumi, keha ba tlameha ho nka diradio tse hlohuoeng matla ho utloa Elvis Presley, Pat Boone, le mathaka ao a chaeang rokon-rolo le twisti. 'Me batala, ba leka ho ba etsisa, ba thefula lihloo tsa bona ba itšoere joalo, keha batala ba eme ba ba shebeletse. Empa, u a bona, ha se Maamerika joaloka Pat Boone, le Elvis Presley, le Ricky Nelson, athe mathaka ao ke ona. Ha se boJudase ba mokhalo oo, empa ke... Ua bona, ke moea. 'Me moea oo ha fumanoe Amerika feela, o hasakane lefatšeng lohle, ho ba isa ntoeng ea Magidone. Ba itšoere joalo, leha e ka ba ba... Leha ba etsoa sechabeng sefe, Afrika, India, e ka bang eng, litšila tseo le nyee eo e hasakane le lefatše lohle, athe e simolotsoe ke monna a le mong feela.

²²⁵ Le Evangel le Matla a Molimo o Matlaohle, a jetsoe lefatšeng hohle! 'Me joale ho fihlile nako ea karohano, mohla Molimo a bitsang Monyaluo, le liabolosi a bitsang kereke. Nke ke be karolo ea Monyaluo!

Ha re rapeleng.

²²⁶ Molimo o ratehang, re bona mongolo leboteng, Morena. Re nakong ea qetello. Rea tseba lintho tse khōlō li larile kapele, empa kae-kae koana, 'nqa e 'ngoe hara litšila tsena kantle mona, batho ba tsepehang ba reretsoeng Bophelong ba sa le teng. Monna a le mong kapa banna ba babeli ba ka sitoa; empa, Molimo, rōna bohole 'moho, re ke re jale sekhutlong sefe le sefe seo re khonang, litaba tse molemo tsa ho khutla ha Jesu, 'me, ua bona, aka lahlele Bohojana feela, Lentsoe le seng le kae. Moo Lintsu li leng teng, li tla sala Lijo tseo morao. Leha E ka tla ka teipi, kapa La tla ka polelo kapa ka bopaki, Lintsu li tla Le sala morao ho fihla lintlokholo tsa Lona. Hobane Ho ngoliloe ho thoe, "Moo Setopo se leng teng, Lintsu li tla bokana teng." Jesu ea ratehang, rea U tseba u Setopo seo re se jang. Uena U Lentsoe, 'me Lentsoe le ne le etsoe nama la aha hara rōna. Rea rapela, Molimo, e re re sa jala Lentsoe, Lintsu tsa makhonthe li Le fumane.

²²⁷ Re se hlajoe ke lihlong ha re eme pela batho, ba khopo, batho ba monyemo, ba tletseng borapeli, e ka bang eng. Kamoo Pauluse a boleletseng Timothea:

...Ha re phehelle nako ha e tšoaneleha, leha e sa tšoanelehe; u laee, u khaleme, 'me...ka mamello eohle le ka ho ruta.

Hobane nako e tla ba teng eo ba sa tlo mamella thuto ea pholoho; empa ka baka la ho hlohlona ha litsebe tsa bona ba...ipokella hammoho baruti ho bona, ba lumellanang le litakatso tsa bona.

Me ba tla khelosoa... 'neteng,...ho isoa litsomong.

²²⁸ Molimo, re phela letsatsing leo. U ntumeletse ho phela halele ho e bona e etsahala. Ebile, taba eo e manehiloe mona lejoeng la sekhutlo la tabernakele ena kajeno, lilemo tse mashome a mararō a metso e merarō tse fetileng.

²²⁹ Molimo, hlohonolofatsa e mong le e mong ea ka mona. E mong ha a le teng ka mona, Morena, ea sa itokisetsang ho kopana le Uena, ba sa khone ho lumellana le Lentsoe la Hao, 'me ba eso kopane le Uena sefahleho le sefahleho le ho tseba hobane ha U tlisoe ke ketso ea—ea—ea kamohelo e itseng, kamoo u ka amohelang tumeloana kapa ho hong, empa u kopane le Molimo o phelang; 'me haeba ba eso etse sena, Morena, ba se etse hona joale.

²³⁰ Kea—ke lumela hore U—hore U hlile u haufi horeng ena. Ha ke ba tsebe na ke bomang. Ha ke tsebe le haeba ba bang ba le teng ka mona, ke mpa ke ikutloa ke etelloapele ho U rapela. E seng kahobane batho ba nkutloa, ekabe'ba ke temalo ea boikaketsi. Ho se be joalo Molimo. Ha ke batle ho ba moikaketsi. Empa ke e rapela ka botšepehi bo pelōng ea ka, Morena.

²³¹ Mang le mang eo U buang le eena hoseng hona, ba ikokobetse ba se ke ba hlajoa ke lihlong, ba mpe ba U amohele joale tlase botebong ba pelō ea bona, ba tle bosiu bona ho kolobetsoa ka Lebitso la Jesu Kreste, ba sale Lentsoe ka leng morao, Lentsoe ka leng; haeba ba kolobelitsoe ka ho fapanā, kapa ba fafalitsoe, ba horomelitsoe. Hopola (rōna re etsa joalo, Morena) hore U boletse, "Ekare ha e mong a tlosa Lentsoe le le leng Bukeng, a eketsa lentsoe le le leng ho Eona, kabelo ea hae e tla tlosoa Bukeng ea Bophelo." Leha a ka leka, a etla, a ngola lebitso la hae bukeng, e—e ke ke ea sebetsa. Re ke re tsepahale 'me re ikokobetse.

²³² Joale ba matsohong a Hao, Morena. Sebetsa ka bona kamoo U bonang ho tšoaneleha, hoba ke ba Hao. Ka Lebitso la Jesu Kreste, Mora Molimo.

²³³ Joale re sa inamisitse lihlooho tsa rōna, ke le batla le nahanne ka botebo joale. Ke kopa tšoarelo, pele, ka ho tlola

nako ka metsotso e ka bang leshome le metso e mehlano. Joale re batla ho binela ka marameng. 'Me joale u hopole pelōng ea hao joale, "Na ke hlile ke kopane le Molimo?" E nahane ka botebo joale. Hobane, mohlomong e ke ke ea eba khafetsa... E ka ba khetlo la ho qetela joale, re kopana pele ho ho Khutla ha Hae. E atametse, metsoalle. Lengolo ka leng, le shebeha joalo, le batla le phethiloe. 'Me ho ka etsahala, ho 'na le uena, e ka ba monyetla oa rōna oa ho qetela ona. Re ka tsamaea pele bosiu bo feta.

Ke ea le Eena, le Eena tsela eohle.

Ke utloa, "Na u lihlong ka 'Na le ka Lentsoe
la Ka?"

Ke utloa 'Moloki...

²³⁴ Joale ikuke u robetse liphateng tsa lefu joale. "Ho utloa..." Mohlang oo e ka ba morao haholo, empa ha ho joalo joale.

"Nka sefapano sa hao, 'me," u ka tlameha ho
etsa sehlabelo joale, "u Ntatèle."

Joale, ka pelōng ea hao, arabela tjena:

Serapeng ke tla ea le Eena,
Serapeng ke tla ea le Eena,
Serapeng ke tla ea le Eena,
Ke ea le Eena, le Eena hohle...

²³⁵ Joale ka lihlooho tsa rōna tse inamisitsoeng, ha re phahamiseng matsoho a rōna re re:

Kahlolong ke ea le Eena,

Joale, ke sona se etsahalang hona joale, O ntse a re ahlola.

Ke tla ea...

Morena, U mphamana ke le molato na? Ha ho le joalo, ntšoarele.

... kahlolong ea Hae,

Ha U nkahlola hoseng hona u mphihlela ke le eng, Morena?

... le Eena hohle kahlolong...

Ntekole, Morena, bona haeba bobo bo le teng ka ho 'na.

... le Eena, le Eena tsela eohle.

²³⁶ Ntate, hoseng hona re U leboha ka matsoho ana ohle. Ha kea bona motho ea sa phahamisang matsoho a hae. Kea U leboha, Morena. Ke—kea tšepa ha U a etsa joalo le uena, Morena. Mang le mang ea sa phahamisang matsoho a bona, ba itokiselitse ho feta kahlolong. Re ahlole, Morena. 'Me ha bobo bo le teng ka ho rōna, re tšoarele bona, Ntate. Re fe mohau oa Hao, hoba ha re batle ho kopana le kahlolo ea Hao mohla mohau o seng o le sieo. Ka baka leo, e re mohau o sa fumanoa joale, rea rapela, Molimo, U tle u re ahlole u re tšoarele libe tsa

rōna, ho latela Lentsoe la Hao le pallo ea Hao. 'Me u re lumelle ho U phelela matsatsi ohle a ho phela ha rōna, re se be lihlong ka Evangel.

²³⁷ Joale, Ntate, ha e le thato ea Hao, joale re qala likopano tsa Lisontaha tse tharō, tse hlahlamangan. Lipelō tsa rōna li hlophisetsoe hona, Morena. Ntlhophise, oho Molimo. Ke 'na ea emeng ke U hloka ka botebo. Ke U rapela ho ntataisa le ho ntsamaisa malebana le lintho tseo ke loketseng ho li etsa le ho li bua, matsatsing ana a tlang.

²³⁸ Tsamaisa 'me u tataise Moena Neville oa rōna ea khabane, mohlanka oa Hao ea molemo, Morena; le Moena Mann hape, le batikone ba kereke, le literaseti, le motho mang le mang ea phuthehang mona.

²³⁹ Re hlophise, Morena, re tle re khone, ka—ka Bokreste ba 'nete, ho tlisa baetsalibe ho Uena, le ho fihlisa litho tsa kereke tsebong ea Molimo oo re o tsebang, oo re kopaneng le oona ka namana, le Eena e ke e be Molimo oa bona, hape. Joale, Ntate, re sitoa ho etsa sena, re sitoa ho ba kenya ka hare. Empa Uena, Moea o Halalelang, tsamaea holima batho, litho tsa likereke.

²⁴⁰ Ho latela mokhoa oa kopano ea ka le Uena hoseng ho hong, "Tsam'o batlela Mora oa Ka Monyaluo. Ako Mo ntše hara batho, hara likereke. Ntša Monyaluo eo." Ntumelle, kea rapela joale, Morena. U romele Rebeka; 'na ke tla leka ho ba Eliezere. Nthuse ho ba mohlanka ea tsepehang. 'Me Molimo oa Leholidō a rome Lengeloi la Hae ho nketella pele, ho re etella pele, re tle re phuthe lintho tsena 'moho re khethe Monyaluo ea A mo khethileng. Re e kopa ka Lebitso la Jesu. Amen.

²⁴¹ Joale, ke masoabi ho le tšoarella haleletsana. Ke mashome a mabeli a metso e mehlano ka morao. Ke tlamehile ke be ke tsoile mona, metsotso e mashome a mabeli a metso e mehlano e fetileng. Empa, joale, na le rata sefela seo sa khale, "Inkele Lebitso la Jesu"? [Phutheho e re, "Amen."—Mong.] Na ha se setle? Ke se binne joale lilemo tse mashome a mararō a metso e merarō, ke sefela sa ho qhalana. Kolobetso ea metsi, "Ke eme mabopong a Jordane e lifeo." 'Me ke nahana hore sena se setle, "Nka Lona hohle moo u eang teng!"

Lebitso le ratehang, oho le monate!

Tšepo . . . (Joale tsukutla matsoho le motho ea haufi.)

Lebitso le ratehang, Lebitso le ratehang, oho le monate!

Tšepo ea lefatše le thabo ea Leholidō.

²⁴² Joale le hopole tšebeletso ea bosiu bona, mashome a mararō ka morao ho supa, mashome a mararō ka morao ho supa bosiung bona. Joale ha re bineng seratsoana se le seng feela, lea bona.

Inkele Lebitso la Jesu,
 Ke thebe sefing ka seng;
 Ha meleko e u teela . . . (U etsang he?)
 Bua Lebitso leo ka thapelo.

Lebitso le ratehang, oho le monate!
 Tšepo ea lefatše le thabo ea Leholidō;
 Lebitso le ratehang, oho le monate!
 Tšepo ea lefatše le thabo ea Leholidō.

²⁴³ Ba teng ba neng ba tla kolobetsoa ka mora tšebeletso?
 Haeba ho le joalo, le phahamise matsoho a lona. Motha ea tli'l'o kolobetsoa? Ba babeli, ho lokile, ba tla kolobetsoa hang ka mora tšebeletso ena. Haeba ba bang ba lona, mang oa lona a batla ho kolobetsoa, re tla tšoara tšebeletso ea kolobetso tšebeletsong e 'ngoe le e 'ngoe ea tsena. U tlameha ho botsa feelsa. Re itokiselitse ho u kolobetsa. Ke tšoanelo ea rōna eo, ho u kolobetsa ka Lebitso la Morena oa rōna Jesu Kreste. Ke tšoanelo ea rōna ho etsa joalo. 'Me re tla thabela ho e etsa, nako efe. Lona ba tlang ho kolobetsoa, e-eang liphaposing, hang ka mora tšebeletso, 'me re tla tsoelapele hantle ka kolobetso ea metsi. Mang le mang ea batlang ho ba sala morao, etsa bonneta ba hore re mona . . . ha u bakile sebeng sa hao 'me u amohetse Jesu e le Mopholosi oa hao.

²⁴⁴ Uena u bileng Mokreste lilemo, 'me u eso bone Leseli, 'me joale Leseli la tokoloho le tlide. Mosali, Monyaluoaa ea tlamehang ho nka Lebitso! Jesu o itse, "Ke tlide ka Lebitso la Ntate oa Ka, 'me ha le Nkamohele. Empa e mong o tla tla ka lebitso la hae, eena le tla mo amohela," oo ke mokhatlo oa lona oa bolumeli.

²⁴⁵ 'Me mora e mong le e mong o tla ka lebitso la ntatae. Ke tla ka lebitso la ntate. Le lona banna le tla ka lebitso la ntata lona.

²⁴⁶ 'Me Lebitso la Hae e ne e le lefe, Lebitso la Ntate ke lefe? Jesu! Eena, "ke tlide ka Lebitso la Ntate oa Ka, 'Na ha le nkamohele." Joale Monyaluoaa oa Hae o tla be a nkile Lebitso la Hae, ehlile.

²⁴⁷ Ke nkile mosali, a bitsoa Broy, 'me o fetohile Branham.

²⁴⁸ Le eena O tlela Monyaluoaa, ako kholisehe ho e hopola ha u kena letšeng.

Ha re inamiseng lihlooho tsa rōna joale.

²⁴⁹ 'Me Moena Vayle mona ha se moeti hara rōna. Ke moena ea khabane haholo, o kile a eta le 'na likopanong tse ngata, eena le mohatsae. 'Me joale ke mongoli oa lithero tsena le lintho tse ngoloang li kena bukeng. Moena Vayle, na u ka re qhalanya ka thapelo, re sa inamisa lihlooho tsa rōna. [Moena Vayle o a rapela—Mong.]



LIHLONG SST65-0711
(Ashamed)

Molaetsa wona, ka Moena William Marrion Branham, o rerilwe sethatong ka Senyesemane mantsiboya a Sontaha hoseng, Phupu 11, 1965, Tabernakeleng ya Branham e Jeffersonville, Indiana, U.S.A., o ntshitswe kgatisong ya teipi ya makenete mme o ngotswe o sa kgaolwa ka Senyesemane. Petolelo ena ya Sesotho sa Borwa e ngotswe mme e abjwa ke ba Voice Of God Recordings.

SOUTH SOTHO

©2015 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
58 DISA ROAD, ADMIRAL'S PARK, GORDON'S BAY 7140 WESTERN CAPE
REPUBLIC OF SOUTH AFRICA

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Temoso Ea Tokelo Ea Qopitso

Litokelo tsohle li babaletsoe. Buka ena e ka porintoa ka porintara ea lelapa molemong oa motho eo kapa ea abjoa, ntle ho tefiso, e le thepa e jalang Evangeli ea Jesu Kreste. Buka ena e ke ke ea rekisoa, ea boela ea hilahisoa ka bongata, ea manehoa leboteng la website, ea bolokoa ka tsela eo e ka boelang ea ntšoa, ea fetoleloa ka lipuo lisele, kapa ea sebelisoa ho qela matlole ntle le tumello e ngotsoeng ea Voice Of God Recordings®.

Ho fuoa boitsebiso bo bong kapa bakeng sa thepa e nngoe e ka fumanoang, ka kopo ikopanye le:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org